

Հավելված N1
 Հայաստանի Հանրապետության
 պետական եկամուտների կոմիտեի նախագահի
 2020 թվականի ապրիլի 17-ի
 N 337-Ն հրամանի

Օրինակելի ձև

**ՀԻՄՆԱԴՐԱՄՆԵՐԻ ԿՈՂՄԻՑ ՀՐԱՊԱՐԱԿՎՈՂ ՀԱՇՎԵՏՎՈՒԹՅԱՆ
 ՀԱՍՏԱՏՎԱԾ Է
 Հիմնադրամի հոգաբարձուների
 խորհրդի 03-06-2020 թ. որոշմամբ
 «ԵՐԵՎԱՆ ԻՄ ՍԵՐ» ՀԻՄՆԱԴՐԱՄ
 Հ Ա Շ Վ Ե Տ Վ ՈՒ Թ Յ ՈՒ Ն
 հիմնադրամի 2019 թ. գործունեության մասին**

1. Հիմնադրամի՝		
1.1 Լրիվ անվանումը	«ԵՐԵՎԱՆ ԻՄ ՍԵՐ» ՀԻՄՆԱԴՐԱՄ	
1.2 Գտնվելու վայրը	ԵՐԵՎԱՆ ԱՐԱԲԿԻՐ ԱՐԱԲԿԻՐ ԹԱՂԱՄԱՍ ԲԱՂԱՄՅԱՆ 24 24	
1.3 Պետական գրանցման համարը	222.160.01136	
1.4 Պետական գրանցման տարին, ամիսը, ամսաթիվը	2009-09-02	
1.5 ՀՎՀՀ-ն	00100778	
1.6 Հեռախոսը (այդ թվում՝ բջջային)	+(374)94111688	
1.7 Պաշտոնական ինտերնետային կայքը	www.yerevanmylove.com	
1.8 Էլեկտրոնային փոստը	info@yerevanmylove.com	
2. Հիմնադրի անուն, ազգանուն կամ անվանում՝		
3. Հոգաբարձուների խորհրդի անդամների անուն, ազգանուն՝		
4. Կառավարչի անուն, ազգանուն՝		
Արշակ Կարապետյան		
5. Աշխատակազմում ընդգրկված անձանց քանակը	16	
6. Անձեռնմխելի կապիտալի չափը	0	
7. Անձեռնմխելի կապիտալի կառավարումից ստացված եկամուտ	0	
8. Ֆինանսավորման աղբյուրները՝		
8.1 Ֆինանսավորումն ըստ խմբերի	8.2 Ծրագրի անվանումը	8.3 Չափը
8.1.1 Պետական և համայնքային բյուջեներից դրամական մուտքեր		
8.1.2 Իրավաբանական անձանցից դրամական մուտքեր		
	Մանկական վերականգնողական կենտրոն	11951450
	Կառավարչական նպատակով	38092228
8.1.3 Ֆիզիկական անձանցից դրամական մուտքեր		
9. Հիմնադրի ներդրումը՝		
9.1 Դրամական միջոցներ	0	
9.2 Գույք	9.2.1 Տեսակը	9.2.2 Արժեքը

10. Նվիրատվություններ/ նվիրաբերություններ		
10.1 Նվիրատուները/նվիրաբերողներն ըստ խմբերի՝	10.2 Նվիրված/նվիրաբերված գույք	
	10.2.1 Տեսակը	10.2.2 Արժեքը
10.1.1 Հայաստանի Հանրապետություն/համայնքներ		
10.1.2 Իրավաբանական անձինք		
	Կահույք և համակարգչային տեխնիկա	15338855
	Գրքեր	180000
10.1.3 Ֆիզիկական անձինք		
	Գրքեր	2763800
	Համակարգչային տեխնիկա	2875000
11. Իրականացված ծրագրերը՝		
11.1 Ծրագրի անվանումը	11.2 Ծախսված գումարը	
Մանկական վերականգնողական կենտրոն	47788722	
Վարպետաց դասեր	13940586	
Աջակցություն Երևան համայնքի մշակույթային կազմակերպություններին	23368000	
12. Ֆինանսական տարում օգտագործված միջոցների ընդհանուր չափը	177531270	
13. Կանոնադրական նպատակների իրականացմանն ուղղված ծախսերի չափը	85097308	

Նշումներ՝

Կից ներկայացվում է աուդիտորական եզրակացությունը՝ 37 թերթից:
թերթերի քանակը

Հիմնադրամի տնօրեն _____
ստորագրությունը, անունը, ազգանունը

Գլխավոր հաշվապահ _____
ստորագրությունը, անունը, ազգանունը

«Երևան իմ սեր» հիմնադրամ

Ֆինանսական հաշվետվությունների միջազգային
ստանդարտներին համապատասխան՝ ֆինանսական
հաշվետվություններ և անկախ աուդիտորական
եզրակացություն

31 դեկտեմբերի 2019թ.

ԱՆԿԱՆ ԱՌԻԴԻՏՈՐԱԿԱՆ ԵԶՐԱԿԱՅՈՒԹՅՈՒՆ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ

Շահույթի կամ վնասի և այլ համապարփակ ֆինանսական արդյունքի մասին հաշվետվություն.....1
Ֆինանսական վիճակի մասին հաշվետվություն.....2
Զուտ ակտիվներում փոփոխությունների մասին հաշվետվություն.....3
Դրամական միջոցների հոսքերի մասին հաշվետվություն.....4

Ֆինանսական հաշվետվություններին կից ծանոթագրություններ

1 Հիմնադրամը..... 5
2 Հաշվապահական հաշվառման նշանակալի քաղաքականություն 5
3 Հաշվապահական հաշվառման քաղաքականության էական գնահատականներ և դատողություններ..... 15
4 Նոր կամ վերանայված ստանդարտների և մեկնաբանությունների կիրառումը 16
5 Հաշվապահական հաշվառման նոր հրապարակումներ..... 17
6 Միջոցների իրացումից եկամուտ..... 20
7 Վարչական ծախսեր 20
8 Շահութահարկ 20
9 Հիմնական միջոցներ 21
10 Կապիտալացված շինարարական աշխատանքներ..... 22
11 Բանկերում պահվող ժամկետային ավանդներ 23
12 Դրամական միջոցներ և դրանց համարժեքներ..... 23
13 Հետաձգված հասույթ 24
14 Առևտրային և այլ կրեդիտորական պարտքեր 25
15 Ֆինանսական ռիսկերի կառավարում 25
16 Ֆինանսական գործիքների իրական արժեքը 29
17 Կապիտալի կառավարում..... 30
18 Պայմանական պարտավորություններ 30
19 Գործարքներ կապակցված կողմերի հետ 31
20 Իրադարձություններ հաշվետու ժամանակաշրջանից հետո 32



Անկախ աուդիտորական եզրակացություն

«Երևան իմ սեր» հիմնադրամի հոգաբարձուների խորհրդին

Մեր կարծիքը

Մեր կարծիքով, ներկայացվող ֆինանսական հաշվետվությունները բոլոր էական առումներով ճշմարիտ են ներկայացնում «Երևան իմ սեր» հիմնադրամի (այսուհետ՝ «Հիմնադրամ») ֆինանսական հաշվետվությունները և ֆինանսական վիճակը առ 2019թ. դեկտեմբերի 31-ը և այդ ամսաթվին ավարտված տարվա նրա գործունեության արդյունքներն ու դրամական միջոցների հոսքերը՝ ֆինանսական հաշվետվությունների միջազգային ստանդարտներին համապատասխան (ՖՀՄՍ):

Մենք աուդիտի ենք ենթարկել

Ընկերության ֆինանսական հաշվետվությունները, որոնք ներառում են՝

- ֆինանսական վիճակի մասին հաշվետվությունը՝ առ 2019թ. դեկտեմբերի 31-ը,
- այդ ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքի մասին հաշվետվությունը,
- այդ ամսաթվին ավարտված տարվա զուտ ակտիվներում փոփոխությունների մասին հաշվետվությունը,
- այդ ամսաթվին ավարտված տարվա դրամական միջոցների հոսքերի մասին հաշվետվությունը, և
- ֆինանսական հաշվետվություններին կից ծանոթագրությունները, որոնք ներառում են հաշվապահական հաշվառման նշանակալի քաղաքականությունն և այլ բացատրական տեղեկատվություն:

Կարծիքի հիմք

Մենք աուդիտն անցկացրեցինք աուդիտի միջազգային ստանդարտներին (ԱՄՍ-ներ) համապատասխան:

Այդ ստանդարտներով մեր պատասխանատվությունը նկարագրված է մեր եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում:

Մենք կարծում ենք, որ մեր կողմից ձեռք բերված աուդիտորական ապացույցները բավարար և պատշաճ են՝ մեր աուդիտորական եզրակացության հիմք հանդիսանալու համար:

Անկախություն

Մենք անկախ ենք Հիմնադրամից՝ Հաշվապահների վարքագծի միջազգային ստանդարտների խորհրդի Պրոֆեսիոնալ հաշվապահների վարքագրի («Վարքագիր») սկզբունքներին համապատասխան: Մենք կատարեցինք մեր բոլոր բարոյական պարտականությունները՝ համաձայն այդ պահանջների և Վարքագրի: Մենք կատարեցինք էթիկայի գծով մեր այլ պարտականությունները՝ Վարքագրին համապատասխան:



Ղեկավարության և կառավարման օլիգարխիայի գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ համաձայն ֆինանսական հաշվետվությունների պատրաստման և ճշմարիտ ներկայացման և այն ներքին վերահսկողության համար, որը ղեկավարությունն անհրաժեշտ է համարել կիրառել՝ սխալների կամ խարդախության արդյունքում առաջացող էական խեղաթյուրումներից զերծ ֆինանսական հաշվետվությունների պատրաստման համար:

Ֆինանսական հաշվետվությունների պատրաստման ժամանակ ղեկավարությունը պատասխանատվություն է կրում իր գործունեությունն անընդհատության սկզբունքով շարունակելու Հիմնադրամի կարողությունը գնահատելու համար, բացահայտելով, համապատասխան դեպքերում, հարցեր, որոնք վերաբերում են գործունեության անընդհատությանը և, օգտագործելով հաշվապահական հաշվառման անընդհատության սկզբունքը, քանի դեռ ղեկավարությունը մտադրություն չունի լուծարել Հիմնադրամը կամ դադարեցնել վերջինիս գործունեությունը, կամ էլ չունի իրատեսական այլընտրանք:

Կառավարման օղակներում գտնվող անձինք պատասխանատու են Հիմնադրամի ֆինանսական հաշվետվությունների պատրաստման գործընթացի հսկողության համար:

Աուդիտորի պատասխանատվությունը ֆինանսական հաշվետվությունների համար

Մեր նպատակներն են՝ ձեռք բերել ողջամիտ հավաստիացում, որ ֆինանսական հաշվետվություններն՝ որպես ամբողջություն, զերծ են սխալներից կամ խարդախության արդյունքում առաջացող էական խեղաթյուրումներից, և հրապարակել մեր կարծիքը ներառող աուդիտորական եզրակացություն: Ողջամիտ հավաստիացումը հուսալիության բարձր աստիճանն է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ բացահայտում է էական խեղաթյուրումը, առկայության դեպքում: Խեղաթյուրումները կարող են առաջանալ խարդախությունից կամ սխալից և դիտարկվում են էական, եթե ողջամտորեն ակնկալվում է, որ առանձին-առանձին կամ միասին դրանք կարող են ազդեցություն ունենալ սույն ֆինանսական հաշվետվությունների հիման վրա կայացված տնտեսական որոշումների վրա:

ԱՄՄ-ներին համապատասխան աուդիտի շրջանակներում մենք իրականացնում ենք պրոֆեսիոնալ դատողություն և պահպանում ենք մասնագիտական կասկածամտությունը ողջ աուդիտի ընթացքում: Մենք նաև՝

- որոշում և գնահատում ենք ֆինանսական հաշվետվություններում խարդախության կամ սխալի պատճառով առաջացած էական խեղաթյուրումների ռիսկերը, մշակում և իրականացնում ենք այդ ռիսկերին համապատասխան աուդիտորական ընթացակարգեր, և ձեռք ենք բերում աուդիտորական ապացույցներ, որոնք բավարար և պատշաճ են՝ մեր աուդիտորական կարծիքն արտահայտելու համար: Խարդախությամբ պայմանավորված էական խեղաթյուրումների չհայտնաբերման ռիսկը ավելի բարձր է, քան սխալներով պայմանավորված խեղաթյուրումների չհայտնաբերման ռիսկը, քանի որ խարդախությունը կարող է ներառել համաձայնություն, կեղծիք, դիտավորյալ բացթողումներ, անճշտություններ կամ ներքին վերահսկողության անտեսում;
- ձեռք ենք բերում աուդիտի համար անհրաժեշտ ներքին վերահսկողության համակարգի վերաբերյալ ըմբռնումը՝ նպատակ ունենալով մշակել համապատասխան աուդիտորական ընթացակարգեր, բայց ոչ կարծիք արտահայտել Հիմնադրամի ներքին վերահսկողության համակարգի արդյունավետության վերաբերյալ;

«ԵՐԵՎԱՆԻ ՄՍ ՍԵՐ» ՀԻՄՆԱԴՐԱՄ

Շահույթի կամ վնասի և այլ համապարփակ ֆինանսական արդյունքի մասին հաշվետվություն

հազ. ՀՀ դրամ	Ծնթգ	2019թ.	2018թ.
Միջոցների իրացումից եկամուտ	6	75,476	12,183
Անսահմանափակ օգտագործման նվիրատվություններից մուտքեր		17,584	-
Եկամուտ		93,060	12,183
Ծրագրային ծախսեր	6	(75,476)	(12,183)
Անձնակազմի ծախսեր		(69,216)	(56,669)
Վարչական ծախսեր	7	(34,150)	(18,160)
Այլ գործառնական եկամուտ		1,118	-
Արժեզրկման կորուստների գծով պահուստի վերականգնում	11	9,941	1,326
Գործառնական գործունեության զուտ ծախսեր		(74,723)	(73,503)
Ֆինանսական եկամուտ	11	31,810	39,054
Ֆինանսական ծախսեր		(7,003)	(989)
Վնաս մինչև հարկումը		(49,916)	(35,438)
Շահութահարկի գծով ծախսեր	8	(6,677)	(7,811)
ԸՆԴԱՄԵՆԸ ՏԱՐՎԱ ՀԱՄԱՊԱՐՓԱԿ ՎՆԱՍ		(56,593)	(43,249)

Հաստատվել և ստորագրվել են 2020թ. հունիսի 22-ին:

Արշակ Կարապետյան
Տնօրեն

Երևան, Հայաստանի Հանրապետություն



Մարգիս Թորոյան
Գլխավոր հաշվապահ

«ԵՐԵՎԱՆ ԻՄ ՍԵՐ» ՀԻՄՆԱԴՐԱՄ
Ֆինանսական վիճակի մասին հաշվետվություն

հազ. ՀՀ դրամ	Ծնթգ.	31 դեկտեմբերի 2019թ.	31 դեկտեմբերի 2018թ.
ԱԿՏԻՎՆԵՐ			
Ոչ ընթացիկ ակտիվներ			
Հիմնական միջոցներ	9	71,934	51,729
Ընդամենը ոչ ընթացիկ ակտիվներ		71,934	51,729
Ընթացիկ ակտիվներ			
Կապիտալացված շինարարական աշխատանքներ	10	822,259	821,842
Պաշարներ		2,058	-
Առևտրային և այլ դեբիտորական պարտքեր		4,182	-
Ժամկետային ավանդներ	11	653,763	809,890
Դրամական միջոցներ և դրանց համարժեքներ	12	28,146	2,987
Ընդամենը ընթացիկ ակտիվներ		1,510,408	1,634,719
ԸՆԴԱՄԵՆԸ ԱԿՏԻՎՆԵՐ		1,582,342	1,686,448
ՊԱՐՏԱՎՈՐՈՒԹՅՈՒՆՆԵՐ			
Հետաձգված հատույթ	13	1,179,596	1,255,072
Առևտրային և այլ կրեդիտորական պարտքեր	14	24,713	14,502
Ակտիվներին վերաբերող շնորհներ		11,075	-
Վճարվելիք շահույթահարկ		6,677	-
ԸՆԴԱՄԵՆԸ ՊԱՐՏԱՎՈՐՈՒԹՅՈՒՆՆԵՐ		1,222,061	1,269,574
ԶՈՒՏ ԱԿՏԻՎՆԵՐ		360,281	416,874

«ԵՐԵՎԱՆ ԻՄ ՍԵՐ» ՀԻՄՆԱԴՐԱՄ

Զուտ ակտիվներում փոփոխությունների մասին հաշվետվություն

<i>հազ. ՀՀ դրամ</i>	<i>Զուտ ակտիվներ</i>
Առ 1 հունվարի 2018թ.	476,729
Հաշվ. հաշվառ. քաղ. փոփոխության ազդեցությունը ՖՀՄՍ 9-ի ընդունման մասով	(16,606)
Տարվա վնաս	(43,249)
ՏԱՐՎԱ ՀԱՄԱՊԱՐՓԱԿ ՎՆԱՍ	(43,249)
Մնացորդը առ 31 դեկտեմբերի 2018թ.	416,874
Տարվա վնաս	(56,593)
ՏԱՐՎԱ ՀԱՄԱՊԱՐՓԱԿ ՎՆԱՍ	(56,593)
Մնացորդը առ 31 դեկտեմբերի 2019թ.	360,281

«ԵՐԵՎԱՆ ԻՄ ՍԵՆ» ՀԻՄՆԱԴՐԱՄ

Դրամական միջոցների հոսքերի մասին հաշվետվություն

հազ. ՀՀ դրամ	Ծնթգ.	2019թ.	2018թ.
Դրամական միջոցների հոսքեր գործառնական գործունեությունից			
Նվիրատվություններից մուտքեր		11,951	8,473
Ծրագրային ծախսերի գծով վճարումներ		(74,916)	(11,750)
Աշխատակիցներին տրվող վճարներ		(54,223)	(52,915)
Վարչական և այլ ծախսերի գծով վճարներ		(27,473)	(10,552)
Կապիտալացված շինարարական աշխատանքների գծով վճարումներ		(1,162)	(15,109)
Միջոցառումների, ժամանցի գծով վճարներ և այլ ծախսեր		-	(1,789)
Վճարված շահութահարկ		-	(16,536)
Գործառնական գործունեությունում օգտագործված զուտ դրամական միջոցներ		(145,823)	(100,178)
Ներդրումային գործունեությունից դրամական միջոցների հոսքեր			
Զուտ մարված ավանդներ		188,608	74,846
Ստացված տոկոսներ ժամկետային ավանդների գծով		1,760	50,649
Հիմնական միջոցների ձեռքբերում		(19,390)	(25,852)
Ներդրումային գործունեությունից ստացված զուտ դրամական միջոցներ		170,978	99,643
Արտարժույթի փոխարժեքի տատանումների ազդեցությունն արտարժույթով պահվող դրամական միջոցների և դրանց համարժեքների վրա		4	(62)
Զուտ փոփոխություն դրամական միջոցներում և դրանց համարժեքներում		25,159	(597)
Դրամական միջոցներ և դրանց համարժեքներ տարեսկզբին		2,987	3,584
Դրամական միջոցներ և դրանց համարժեքներ տարեվերջին	12	28,146	2,987

1 Հիմնադրամը

«Երևան իմ սեր» բարեգործական հիմնադրամի (այսուհետ՝ «Հիմնադրամ») գործունեությունն ուղղված է Երևանի ճարտարապետական մշակութային ժառանգության վերականգնմանն ու պահպանմանը, կրկին կիրառելի դարձնելով շենքերը՝ հաշմանդամ երեխաների, երիտասարդների և անապահով ընտանիքների կենսապայմանները և կյանքի որակը բարելավելու նպատակով:

Սա հավակնոտ բարեգործական ծրագիր է, որն ունի երկու հիմնական նպատակ.

Վերականգնում և վերակառուցում. պահպանել և վերականգնել Երևանի պատմական թաղամասերը և համակարգել ջանքերը՝ փրկելու 3000-ամյա քաղաքի մշակութային և ճարտարապետական ժառանգությունը, վերջինիս ավանդույթները և մերձակայքը: Վերականգնել պատմական շինությունները և հարմարեցնել դրանք նոր և լուսավոր նպատակների համար, սակայն ամենից գլխավորը՝ մարդկանց, նրանց կենսապայմանները և կյանքի որակը պլանավորման առանցքում պահելն է:

Սոցիալական ազդեցություն. բարելավել երեխաների, երիտասարդների, հատկապես՝ ծնողագուրկների և սոցիալապես խոցելի համայնքների անդամների կրթությունը և կենսափորձը, օգնել սոցիալապես և առողջապես խոցելի երեխաներին ու երիտասարդներին՝ աջակցելով նրանց առօրյա կյանքում վստահություն և ինքնուրույնություն ձեռք բերել:

«Երևան իմ սեր» բարեգործական հիմնադրամը ստեղծվել է դկ. Արմեն Սարգսյանի և նրա ընտանիքի կողմից: Հիմնադրամի գրանցման հասցեն է՝ Հայաստանի Հանրապետություն, Երևան, Բաղրամյան 24:

Հիմնադրամի աշխատանքների կառավարումը և վերջնական վերահսկողությունն իրականացվում է Հոգաբարձուների խորհուրդի կողմից: Հիմնադրամը նվիրատվություններ է ստանում իր հիմնադրից, ՀՀ և օտարերկրյա բիզնեսներից ու անհատներից:

Հիմնադրամի աշխատակիցների թիվը առ 31 դեկտեմբերի 2019թ. կազմել է 14 (առ 31 դեկտեմբերի 2018թ.՝ 15):

2 Հաշվապահական հաշվառման նշանակալի քաղաքականություն

Պատրաստման հիմունքները: Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (այսուհետ՝ ՖՀՄՍ) համաձայն, պատմական արժեքի հիման վրա: Սույն ֆինանսական հաշվետվությունները պատրաստելիս կիրառված հաշվապահական հաշվառման քաղաքականության հիմնական սկզբունքները ներկայացված են ստորև: Բացի 2019թ. հունվարի 1-ին ՖՀՄՍ 16-ին անցման արդյունքում հաշվապահական հաշվառման քաղաքականության փոփոխություններից այդ սկզբունքները հետևողականորեն կիրառվել են այն բոլոր ժամանակաշրջանների համար, որոնք ներկայացված են հաշվետվություններում, եթե այլ բան նշված չէ:

ՖՀՄՍ համաձայն ֆինանսական հաշվետվությունների պատրաստումը պահանջում է հաշվապահական հաշվառման քաղաքականության էական գնահատականների օգտագործում: Գնահատականներից բացի, ղեկավարությունը կատարում է նաև որոշակի այլ դատողություններ հաշվապահական հաշվառման քաղաքականության կիրառման գործընթացում: Դատողությունները և գնահատականները, որոնք առավել նշանակալի ազդեցություն ունեն ֆինանսական հաշվետվություններում ճանաչված արժեքների վրա, ներկայացված են ծանոթագրություն 3-ում:

Արտարժույթի փոխարկում: Հիմնադրամի գործառնական արժույթը հիմնական տնտեսական միջավայրի արժույթն է, որում Հիմնադրամը գործում է: Հիմնադրամի ֆունկցիոնալ արժույթը Հայաստանի Հանրապետության ազգային արժույթն է՝ ՀՀ դրամը: Դրամական ակտիվները և պարտավորությունները փոխարկվում են կազմակերպության ֆունկցիոնալ արժույթի յուրաքանչյուր հաշվետու ժամանակաշրջանի վերջի դրությամբ Հայաստանի Հանրապետության Կենտրոնական բանկի (այսուհետ՝ «ՀՀ ԿԲ») պաշտոնական փոխարժեքով:

2 Հաշվապահական հաշվառման նշանակալի քաղաքականություն (շարունակություն)

Գործարքների վճարումները կատարելու և դրամական ակտիվները և պարտավորությունները ՀՀ ԿԲ-ի՝ տարեվերջի պաշտոնական փոխարժեքով Հիմնադրամի ֆունկցիոնալ արժույթի փոխարկելու արդյունքում ստացված՝ արտարժույթի փոխարկումից եկամուտը կամ վնասը ճանաչվում է շահույթում կամ վնասում: Տարեվերջի փոխարժեքով փոխարկումը չի կիրառվում ոչ դրամական հոդվածների նկատմամբ, որոնք չափվում են սկզբնական արժեքով:

Առ 31 դեկտեմբերի 2019թ. դրությամբ արտարժույթով արտահայտված մնացորդների փոխարկման համար օգտագործվող հիմնական փոխարժեքներն են՝ 1 ԱՄՆ դոլար = 479.70 ՀՀ դրամ (2018թ.՝ 1 ԱՄՆ դոլար = 483.75 ՀՀ դրամ):

Հիմնական միջոցներ: Հիմնական միջոցների միավորները հաշվառվում են սկզբնական արժեքով՝ հանած կուտակված մաշվածությունը և արժեզրկման կորուստները, եթե այդպիսիք կան:

Հետագա ծախսերը ընդգրկվում են ակտիվի հաշվեկշռային արժեքում կամ ճանաչվում են որպես առանձին ակտիվ, անհրաժեշտության դեպքում, միայն այն ժամանակ, երբ հավանական է, որ հոդվածի հետ կապված ապագա տնտեսական օգուտները կհոսեն դեպի Հիմնադրամ, և այդ հոդվածի արժեքը կարող է արժանահավատորեն չափվել:

Վերանորոգման և պահպանման գծով ընթացիկ ծախսումները ծախսագրվում են, երբ դրանք տեղի են ունենում: Հիմնական միջոցների միավորների խոշոր հիմնամասերի կամ բաղադրիչների փոխարինման ծախսումները կապիտալացվում են, իսկ փոխարինված մասը դուրս է գրվում:

Յուրաքանչյուր հաշվետու ժամանակաշրջանի վերջում ղեկավարությունը գնահատում է, թե արդյոք առկա է հիմնական միջոցների արժեզրկման հայտանիշ: Եթե որևէ նման հայտանիշ գոյություն ունի, ղեկավարությունը գնահատում է փոխհատուցվող գումարը, որը որոշվում է որպես հետևյալ երկու արժեքներից առավելագույնը՝ օգտագործման արժեք և իրական արժեք՝ հանած վաճառքի ծախսերը: Հաշվեկշռային արժեքը նվազեցվում է մինչև փոխհատուցվող գումարը, և արժեզրկումից կորուստը ճանաչվում է տարվա շահույթում կամ վնասում: Նախորդ տարիների ընթացքում ակտիվի համար ճանաչված արժեզրկումից կորուստը հակադարձվում է, եթե փոփոխություններ են տեղի ունեցել գնահատումներում, որոնք կիրառվել են ակտիվի օգտագործման արժեքը կամ իրական արժեքը՝ հանած վաճառքի ծախսերը որոշելու համար:

Հիմնական միջոցների օտարումից առաջացած օգուտը կամ վնասը որոշվում է որպես օտարումից ստացված հասույթի և հաշվեկշռային արժեքի միջև տարբերություն և ճանաչվում է տարվա շահույթում կամ վնասում:

Մաշվածություն: Հիմնական միջոցների այլ միավորների մաշվածությունը հաշվարկվում է գծային մեթոդի կիրառմամբ՝ բաշխելով դրանց սկզբնական արժեքը մինչև մնացորդային արժեքը:

Գրասենյակային սարքավորումներ
Փոխադրամիջոցներ

3-ից 5 տարի
8 տարի

Ակտիվի մնացորդային արժեքը այն գնահատված գումարն է, որը Հիմնադրամը ներկա պահին կստանար ակտիվի օտարումից՝ հանած օտարման գնահատված ծախսումները, եթե ակտիվն արդեն լինել դրա օգտակար ծառայության վերջում ակնկալվող տարիքի և վիճակի: Ակտիվի մնացորդային արժեքը և օգտակար ծառայության ժամկետները վերանայվում և անհրաժեշտության դեպքում ճշգրտվում են յուրաքանչյուր հաշվետու ժամանակաշրջանի վերջում:

2 Հաշվապահական հաշվառման նշանակալի քաղաքականություն (շարունակություն)

Ֆինանսական գործիքները - չափման հիմնական մոտեցումները: Իրական արժեքն այն գինն է, որը կարող է ստացվել ակտիվը վաճառելու կամ պարտավորություն փոխանցելու համար՝ չափման ամսաթվի դրությամբ շուկայի մասնակիցների միջև սովորական գործարքում: Իրական արժեքի լավագույնն ապացույցը ակտիվ շուկայում իրականացվող գնանշումն է: Ակտիվ շուկան այն շուկան է, որտեղ ակտիվի կամ պարտավորության հետ գործարքները իրականացվում են բավարար հաճախականությամբ և բավարար ծավալով, ինչը թույլ է տալիս մշտապես տեղեկատվություն ստանալ չափման վերաբերյալ:

Ակտիվ շուկայում շրջանառվող ֆինանսական գործիքների իրական արժեքը չափվում է որպես գումար, որը ստացվում է յուրաքանչյուր ակտիվի կամ պարտավորության շուկայական գնանշումը բազմապատկելով Հիմնադրամի կողմից պահվող գործիքների քանակով: Չափումը այդպես է կատարվում նույնիսկ այն դեպքում, երբ շուկայի սովորական ամենօրյա շրջանառությունը բավարար չէ Հիմնադրամի կողմից ունեցած ակտիվների և պարտավորությունների քանակը կլանելու համար, իսկ առանձին գործարքով դիրքերը վաճառելու պատվերներ դնելը կարող է ազդել շուկայական գնանշման վրա:

Այն ֆինանսական գործիքների իրական արժեքը որոշելու համար, որոնց գործարքների գների վերաբերյալ շուկայական տեղեկատվությունը մատչելի չի, օգտագործվում են չափման մոդելներ, ինչպիսիք են գեղջված դրամական միջոցների հոսքի մոդելը, ինչպես նաև շուկայական պայմաններով իրականացվող նմանատիպ գործարքների տվյալների վրա հիմնված մոդելները կամ ներդրման օբյեկտի ֆինանսական տվյալների դիտարկումը: Իրական արժեքի չափումների արդյունքները վերլուծվում և բաշխվում են ըստ իրական արժեքի հիերարխիայի մակարդակների հետևյալ կերպ. (i) 1-ին մակարդակը ներառում է նույնանման ակտիվների կամ պարտավորությունների ակտիվ շուկաներում գործող շուկայական գնանշումների (չճշգրտվող) հիման վրա կատարվող չափումները, (ii) 2-րդ մակարդակը ներառում է մոդելների հիման վրա ստացված չափումները, որոնցում օգտագործված բոլոր նշանակալի մուտքերը ուղղակիորեն են (օրինակ, գին) կամ անուղղակիորեն (օրինակ, գնի հիման վրա հաշվարկված) դիտարկվում են ակտիվի կամ պարտավորության համար, և (iii) 3-րդ մակարդակի չափումներ, որոնք հիմնված չեն բացառապես շուկայի դիտարկվող տվյալների վրա (այսինքն՝ չափման համար պահանջվում է չդիտարկվող մուտքերի զգալի քանակ): Իրական արժեքի հիերարխիայի մակարդակների միջև փոխանցումները համարվում են, որ տեղի են ունեցել հաշվետու ժամանակաշրջանի վերջում:

Գործարքի հետ կապված ծախսերը հավելյալ ծախսեր են, որոնք ուղղակիորեն վերագրվում են ֆինանսական գործիքի ձեռքբերմանը, թողարկմանը կամ օտարմանը: Լրացուցիչ ծախսերն այն ծախսերն են, որոնք գործարքի չկատարման դեպքում չէին առաջանա: Գործարքի հետ կապված ծախսերը ներառում են հատուցումներ, որոնք վճարվել են գործակալներին (ներառյալ՝ որպես առևտրային գործակալներ հանդես եկող աշխատակիցներին), խորհրդատուներին, բրոքերներին և դիլերներին, կարգավորող մարմիններին և ֆոնդային բորսաներին տրված վճարները, ինչպես նաև գույք փոխանցելու համար գանձվող հարկերը և վճարները: Գործարքի հետ կապված ծախսերը չեն ներառում պարզակազմարներ կամ պարտքային պարտավորությունների գծով զեղչեր, ֆինանսավորման ծախսեր, ներքին վարչական ծախսեր կամ պահպանման ծախսեր:

Անորտիզացված արժեքը ներկայացնում է այն գումարը, որով ֆինանսական գործիքը չափվել է սկզբնական ճանաչման պահին, հանած մայր գումարը մարելու վճարները և ավելացրած հաշվեգրված տոկոսների չափով, իսկ ֆինանսական ակտիվների համար՝ հանած ակնկալվող պարտքային վնասների համար նախատեսված ցանկացած պահուստ: Հաշվեգրված տոկոսները ներառում են սկզբնական ճանաչման պահին գործարքի հետ կապված հետաձգված ծախսերի, ինչպես նաև վճարման ենթակա գումարի ցանկացած պրեմիայի կամ զեղչի ամորտիզացիան՝ կիրառելով արդյունավետ տոկոսադրույքի մեթոդը:

2 Հաշվապահական հաշվառման նշանակալի քաղաքականություն (շարունակություն)

Հաշվեգրված տոկոսային եկամուտները և հաշվեգրված տոկոսային ծախսերը, ներառյալ կուտակված կուպոնի եկամուտը և ամորտիզացված զեղչը կամ պրեմիան (ներառյալ տրամադրման ժամանակ հետաձգված միջնորդավճարը, եթե այդպիսին առկա է), ֆինանսական վիճակի մասին հաշվետվությունում չեն ներկայացվում առանձին, այլ ընդգրկվում են համապատասխան հոդվածների հաշվեկշռային արժեքի կազմում:

Արդյունավետ տոկոսադրույքների մեթոդը գործիքների հաշվեկշռային արժեքի յուրաքանչյուր ժամանակաշրջանում հաստատուն տոկոսադրույքն ապահովելու նպատակով՝ համապատասխան ժամանակաշրջանում տոկոսային եկամուտների կամ տոկոսների ծախսերի բաշխման եղանակն է: Արդյունավետ տոկոսադրույքն այն տոկոսադրույքն է, որը կիրառվում է ֆինանսական գործիքների գոյության ակնկալվող ժամանակաշրջանի կամ, անհրաժեշտության դեպքում, ավելի կարճ ժամանակաշրջանի ընթացքում ճշգրիտ ապագա դրամական ներհոսքերի կամ արտահոսքերի (չներառելով ապագա վարկային վնասները) մինչև ֆինանսական գործիքի համախառն հաշվեկշռային արժեք զեղչելիս: Արդյունավետ տոկոսադրույքն օգտագործվում է փոփոխուն տոկոսադրույքով գործիքների դրամական հոսքերը մինչև տոկոսադրույքի փոփոխման հաջորդ ամսաթիվը զեղչելու համար, բացառությամբ պարզևավճարի կամ զեղչի, որոնք արտացոլում են տվյալ գործիքի համար նշված փոփոխուն դրույքով վարկի տարածումը կամ վերաբերում են այլ փոփոխական գործոններին, որոնք սահմանված են անկախ շուկայական արժեքից: Նման պարզևավճարները կամ զեղչերը ամորտիզացվում են գործիքի ակնկալվող գոյության ընթացքում: Ներկա արժեքի հաշվարկը ներառում է պայմանագրով կողմերի կողմից վճարված կամ ստացված բոլոր վճարներն ու գումարները, որոնք կազմում են արդյունավետ տոկոսադրույքի բաղկացուցիչ մաս: Գնված կամ սկզբնավորված պարտքային առումով արժեզրկված (POCI) ֆինանսական ակտիվների սկզբնական ճանաչման ժամանակ ակտիվների համար արդյունավետ տոկոսադրույքը ճշգրտվում է՝ հաշվի առնելով պարտքային ռիսկը, այսինքն՝ հաշվարկվում է սկզբնական ճանաչման ժամանակ ակնկալվող դրամական հոսքերի հիման վրա, և ոչ թե պայմանագրային դրամական հոսքերի հիման վրա:

Ֆինանսական գործիքների սկզբնական ճանաչում: Իրական արժեքով՝ շահույթի կամ վնասի միջոցով չափվող ֆինանսական գործիքները սկզբնապես ճանաչվում են իրական արժեքով: Բոլոր մյուս ֆինանսական գործիքներն սկզբնապես ճանաչվում են իրական արժեքով՝ ներառյալ գործարքի հետ կապված ծախսումները: Սկզբնական ճանաչման ժամանակ իրական արժեքը լավագույնս ներկայացվում է գործարքի գնով: Սկզբնական ճանաչման ժամանակ շահույթը կամ վնասը գրանցվում է միայն այն ժամանակ, երբ կա իրական արժեքի և գործարքի գնի միջև տարբերություն, որը կարող է բացահայտվել միևնույն գործիքում դիտարկելի շուկայական այլ գործարքներով կամ գնահատման մեթոդով, որի մուտքային տվյալները ներառում են միայն դիտարկելի շուկայական տվյալները: Ամորտիզացված արժեքով գնահատվող ֆինանսական ակտիվների և պարտքային գործիքներում իրական արժեքով՝ այլ համապարփակ արդյունքի միջոցով չափվող ներդրումների սկզբնական ճանաչումից հետո ստեղծվում է ակնկալվող պարտքային կորուստների գծով գնահատված պահուստ, որը հանգեցնում է հաշվապահական վնասի ճանաչման ակտիվի սկզբնական ճանաչումից անմիջապես հետո:

Ֆինանսական ակտիվների բոլոր գնումներն ու վաճառքները, որոնց դրույթները պահանջում են այդ ակտիվի առաքումը՝ տվյալ շուկայում սովորական կանոններով կամ ընդունված կարգով սահմանված ժամկետներում (կանոնավոր կերպով գնում կամ վաճառք), ճանաչվում են առևտրի ամսաթվով, որն այն ամսաթիվն է, երբ Հիմնադրամը հանձնառություն է ստանձնում առաքել ֆինանսական ակտիվը: Մնացած բոլոր գնումները ճանաչվում են, երբ հիմնադրամը դառնում է գործիքի պայմանագրային կողմ:

2 Հաշվապահական հաշվառման նշանակալի քաղաքականություն (շարունակություն)

Ֆինանսական ակտիվների դասակարգումն ու դրանց հետագա գնահատումը - գնահատման կատեգորիաներ: Հիմնադրամը դասակարգում է ֆինանսական ակտիվները՝ կիրառելով գնահատման հետևյալ կատեգորիաները. իրական արժեքով՝ շահույթի կամ վնասի միջոցով չափվող, իրական արժեքով՝ այլ համապարփակ արդյունքի միջոցով չափվող և ամորտիզացված արժեքով չափվող ֆինանսական ակտիվներ: Պարտքային ֆինանսական ակտիվների դասակարգումն ու հետագա չափումը պայմանավորված է՝ (i) Հիմնադրամի՝ համապատասխան ֆինանսական ակտիվների կառավարման բիզնես մոդելով և (ii) ակտիվներում դրամական միջոցների հոսքերի բնութագրերով:

Ֆինանսական ակտիվների դասակարգումն ու դրանց հետագա գնահատումը - բիզնես մոդել: Բիզնես մոդելն իր մեջ ներառում է այն մեթոդը, որը Հիմնադրամը կիրառում է ֆինանսական ակտիվների կառավարման համար՝ դրամական միջոցների հոսքեր ստանանալու նպատակով: Հիմնադրամի նպատակն է (i) միայն ակտիվներից պայմանագրային դրամական միջոցների հոսքերի ստացումը («ակտիվների պահում պայմանագրային դրամական միջոցների հոսքեր ձեռք բերելու համար»), կամ (ii) պայմանագրային և ակտիվների վաճառքի արդյունքում դրամական միջոցների հոսքերի ստացումը («ակտիվների պահում պայմանագրային դրամական միջոցների հոսքեր ձեռք բերելու և վաճառքի համար»), կամ, եթե և (i) կետը և (ii) կետը կիրառելի չեն, ֆինանսական ակտիվները դասակարգվում են որպես «այլ» բիզնես մոդել և գնահատվում են իրական արժեքով՝ շահույթի կամ վնասի միջոցով:

Բիզնես մոդելը որոշվում է Հիմնադրամի ակտիվների խմբի համար (պորտֆելի մակարդակով)՝ հաշվի առնելով գործունեության իրականացման բոլոր համապատասխան ապացույցները, որը Հիմնադրամը մտադիր է իրականացնել իր նպատակին հասնելու համար, որը սահմանվել է գնահատման իրականացման ամսաթվին առկա պորտֆելի համար:

Ֆինանսական ակտիվների դասակարգումն ու դրանց հետագա գնահատումը - դրամական միջոցների հոսքերի բնութագրեր: Եթե բիզնես մոդելը նախատեսում է ակտիվների պահումը պայմանագրային դրամական միջոցների հոսքեր ձեռք բերելու կամ պայմանագրային դրամական միջոցների հոսքեր ձեռք բերելու և վաճառքի նպատակով, Հիմնադրամը գնահատում է, թե արդյոք դրամական միջոցների հոսքերն իրենցից ներկայացնում են միայն մայր գումարի և տոկոսների վճարումներ («Միայն մայր գումարի և տոկոսի վճարումների թեստ» կամ «ՄՄԳՏՎ թեստ»): Ֆինանսական ակտիվները պարունակվող ածանցյալ գործիքների հետ դիտարկվում են համակցության մեջ՝ որոշելու համար, թե արդյոք դրանց դիմաց կատարված դրամական միջոցների հոսքերը հանդիսանում են բացառապես մայր գումարի և տոկոսների հաշվին մարումներ: Այս գնահատումը իրականացնելիս Հիմնադրամը հաշվի է առնում, թե արդյոք պայմանագրային դրամական միջոցների հոսքերը համապատասխանում են բազային վարկային պայմանագրի պայմաններին, այսինքն, արդյոք տոկոսները ներառում են միայն պարտքային ռիսկի, փողի ժամանակային արժեքի, բազային վարկային պայմանագրի հիմքում ընկած այլ ռիսկերի և շահույթի մարժայի փոխհատուցում:

Եթե պայմանագրի պայմանները ենթադրում են ռիսկի կամ անկայունության ազդեցություն, որոնք չեն համապատասխանում բազային վարկային պայմանագրի պայմաններին, ապա համապատասխան ֆինանսական ակտիվը դասակարգվում և գնահատվում է իրավական արժեքով՝ շահույթի և վնասի միջոցով: Միայն մայր գումարի և տոկոսի վճարումների թեստն իրականացվում է ֆինանսական ակտիվի սկզբնական ճանաչման ժամանակ, և հետագա վերագնահատում չի իրականացվում:

Ֆինանսական ակտիվների վերադասակարգում: Ֆինանսական գործիքները վերադասակարգվում են միայն այն դեպքում, երբ փոփոխվում է պորտֆելը կառավարող բիզնես մոդելն ամբողջությամբ: Վերադասակարգումը կիրառվում է առաջընթաց կերպով՝ առաջին հաշվետու ժամանակաշրջանի սկզբից՝ բիզնես մոդելի փոփոխությունից հետո:

2 Հաշվապահական հաշվառման նշանակալի քաղաքականություն (շարունակություն)

Ֆինանսական ակտիվների արժեզրկումը. ակնկալվող պարտքային կորուստների գծով պահուստ: Հիմնադրամը կանխատեսական հիմունքներով գնահատում է ամորտիզացված արժեքով կամ իրական արժեքով՝ այլ համապարփակ արդյունքի միջոցով չափվող պարտքային գործիքների, վարկավորման հանձնառություններից կամ ֆինանսական երաշխավորության պայմանագրերից առաջացող համախառն դիրքի ակնկալվող պարտքային կորուստները: Հիմնադրամը չափում է ակնկալվող պարտքային կորուստը և ճանաչում է ֆինանսական կամ պայմանագրային ակտիվների գուտ արժեզրկման կորուստները յուրաքանչյուր հաշվետու ամսաթվի դրությամբ: Ակնկալվող պարտքային կորուստների չափումը արտացոլում է. (i) անկողմնակալ և հավանականությամբ կշռված գումար, որը որոշվում է՝ գնահատելով հնարավոր արդյունքների տիրույթը, (ii) փողի ժամանակային արժեքը և (iii) անցյալ դեպքերի, ընթացիկ պայմանների և կանխատեսվող ապագա տնտեսական պայմանների վերաբերյալ ողջամիտ և հիմնավորվող տեղեկատվություն, որը հասանելի է առանց չափազանց ծախսումների կամ ջանքերի հաշվետու ամսաթվի դրությամբ:

Ամորտիզացված արժեքով չափվող պարտքային գործիքները, առևտրային և այլ դեբիտորական պարտքերը, տրված փոխառությունները և պայմանագրային ակտիվները ներկայացված են ֆինանսական վիճակի մասին հաշվետվությունում գուտ ակնկալվող պարտքային կորուստներից: Փոխառությունների գծով հանձնառությունների և ֆինանսական երաշխավորության պայմանագրերի համար առանձին ակնկալվող պարտքային կորուստների պահուստ է ձևավորվում՝ որպես պարտավորություն՝ ֆինանսական վիճակի մասին հաշվետվությունում: Իրական արժեքով՝ այլ համապարփակ արդյունքի միջոցով չափվող պարտքային գործիքների համար ամորտիզացված արժեքի փոփոխությունները՝ գուտ ակնկալվող պարտքային կորուստներից, ճանաչվում են շահույթի կամ վնասի և այլ համապարփակ ֆինանսական արդյունքի մասին հաշվետվությունում:

Հիմնադրամը կիրառում է ակնկալվող պարտքային կորուստների գծով պահուստի չափման պարզեցված մոտեցում: Մնացած ֆինանսական ակտիվների համար Հիմնադրամը կիրառում է հետևյալ արժեզրկման եռաստիճան մոդելը՝ հիմնված վարկային որակի փոփոխությունների վրա սկզբնական ճանաչման պահից: Ֆինանսական ակտիվը, որը արժեզրկված չէ սկզբնական ճանաչման պահին, դասակարգվում է առաջին մակարդակում: Առաջին մակարդակում գտնվող ֆինանսական ակտիվների ակնկալվող պարտքային կորուստները չափվում են ամբողջ ժամկետում ակնկալվող պարտքային կորուստներին հավասար, որոնք բխում են ֆինանսական գործիքի գծով հաշվետու ամսաթվին հաջորդող 12 ամիսների ընթացքում հնարավոր անվճարունակության դեպքերից (12-ամսյա ընթացքում ակնկալվող պարտքային կորուստների գումար): Եթե Հիմնադրամն արձանագրում է սկզբնական ճանաչման պահից ի վեր պարտքային ռիսկի նշանակալի աճի, ակտիվը տեղափոխվում է երկրորդ մակարդակ և նրա ակնկալվող պարտքային կորուստը չափվում է ամբողջ ժամկետում ակնկալվող պարտքային կորուստների չափով, որը մինչև պայմանագրային ժամկետի ավարտն է («ամբողջ ժամկետում ակնկալվող պարտքային կորուստներ»): Պարտքային ռիսկի նշանակալի աճի նկարագրությունը ներկայացված է ծանոթագրություն 15-ում: Եթե Հիմնադրամը գնահատում է ֆինանսական ակտիվը որպես արժեզրկված, ակտիվը տեղափոխվում է երրորդ մակարդակ և ակնկալվող պարտքային կորուստը չափվում է ամբողջ ժամկետում ակնկալվող պարտքային կորուստների չափով:

Ֆինանսական ակտիվների դուրս գրումը: Ֆինանսական ակտիվները դուրս են գրվում ամբողջությամբ կամ մասամբ, երբ Հիմնադրամը սպառել է դրանց հավաքագրման բոլոր գործնական հնարավորությունները և եկել է այն եզրակացության, որ նման ակտիվների հատուցման ակնկալիքները հիմնավորված չեն: Դուրս գրումը իրենից ներկայացնում է ճանաչման դադարեցում: Հիմնադրամը կարող է դուրս գրել այն ֆինանսական ակտիվներ, որոնց վերաբերյալ դեռևս ձեռնարկվում են հարկադիր կատարողական միջոցառումներ, երբ Հիմնադրամը փորձում է հավաքագրել պայմանագրով նախատեսված պարտքի գումարները, չնայած որ այն չունի հիմնավորված ակնկալիքներ դրանց հավաքագրումից:

2 Հաշվապահական հաշվառման նշանակալի քաղաքականություն (շարունակություն)

Ֆինանսական ակտիվների ճանաչման դադարեցումը: Հիմնադրամը դադարեցնում է ճանաչել ֆինանսական ակտիվները (ա) երբ այդ ակտիվները վերադարձվում են, կամ այդ ակտիվների հետ կապված դրամական միջոցների հոսքի ժամկետն ավարտվել է, կամ (բ) Հիմնադրամը փոխանցել է դրամական միջոցների հոսքի իրավունքը ֆինանսական ակտիվներից կամ կնքել է ռիսկերի և հատույցների փոխանցման պայմանագիր, և (i) փոխանցել է նաև գրեթե բոլոր ռիսկերը և հատույցները, որոնք կապված են այդ ակտիվների սեփականության հետ, կամ (ii) ոչ փոխանցել և ոչ էլ պահպանել է գրեթե բոլոր ռիսկերը և հատույցները, որոնք կապված են այդ ակտիվների սեփականության հետ, բայց կորցրել է այդ ակտիվների նկատմամբ վերահսկողությունը:

Վերահսկողությունը պահպանվում է, եթե գործընկերը չունի չկապակցված երրորդ կողմին ակտիվը ամբողջությամբ վաճառելու հնարավորություն՝ առանց վաճառքի սահմանափակումներ կիրառելու:

Ֆինանսական ակտիվների վերափոխումը: Երբեմն Հիմնադրամը վերաբանակցում կամ այլ կերպ վերափոխում է ֆինանսական ակտիվների պայմանագրային պայմանները:

Այն դեպքում, երբ վերաբանակցումը պայմանավորված է գործընկերոջ ֆինանսական դժվարություններով և պայմանագրային վճարումները չկատարելու կարողությամբ, Հիմնադրամը համեմատում է սկզբնական և վերափոխված դրամական միջոցների հոսքերը, որպեսզի հասկանա, արդյոք ֆինանսական ակտիվի սեփականության հետ կապված ռիսկերն ու հատույցները էականորեն տարբերվում են պայմանագրային վերափոխման արդյունքում: Եթե ակտիվի սեփականության հետ կապված ռիսկերն ու հատույցները չեն փոխվում, վերափոխված ակտիվը էականորեն չի տարբերվում սկզբնական ակտիվից և վերափոխումը չի հանգեցնում ապաճանաչման: Հիմնադրամը հաշվարկում է համախառն հաշվեկշռային արժեքը զեղչելով վերափոխված պայմանագրային դրամական միջոցների հոսքերը ըստ սկզբնական տոկոսադրույքի (կամ պարտքային ռիսկով ճշգրտված արդյունավետ տոկոսադրույքի ֆինանսական ակտիվի ամորտիզացված արժեքի նկատմամբ սկզբնական ճանաչման պահի սկսած) և ճանաչում է վերափոխումից օգուտ կամ վնաս շահույթում կամ վնասում:

Ֆինանսական պարտավորությունների գնահատման կատեգորիաները: Ֆինանսական պարտավորությունները դասակարգվում են որպես հետագայում՝ ամորտիզացված արժեքով չափվող, բացառությամբ. (i) իրական արժեքով՝ շահույթի կամ վնասի միջոցով չափվող ֆինանսական պարտավորություններից: Այս դասակարգումը վերաբերում է ածանցյալ ֆինանսական գործիքներին, առևտրային նպատակով պահվող ֆինանսական պարտավորություններին (օրինակ, արժեթղթերի կարճ դիրքեր), պայմանական հատուցմանը, որը բիզնեսի միավորման ժամանակ ճանաչվում է ձեռք բերողի կողմից և սկզբնական ճանաչման պահին որպես այսպեսիք սահմանված այլ ֆինանսական պարտավորություններին; և (ii) ֆինանսական երաշխավորության պայմանագրերի և փոխատվության հանձնառությունների:

Ֆինանսական պարտավորությունների ճանաչման դադարեցումը: Ֆինանսական պարտավորությունների ճանաչումը դադարում է դրանց մարման պահից (այսինքն, երբ պայմանագրում նշված պարտավորությունը կատարվել կամ դադարեցվել է, կամ լրացել է դրա կատարման ժամկետը):

Հիմնադրամի և փոխատուի միջև նշանակալիորեն տարբերվող պայմաններով պարտքային գործիքների փոխանակությունը պետք է հաշվառվի որպես սկզբնական ֆինանսական պարտավորության մարում և նոր ֆինանսական պարտավորության ճանաչում: Պայմանները, ըստ էության, տարբեր են, եթե նոր պայմաններով դրամական միջոցների հոսքերի զեղչված ներկա արժեքը, ներառյալ վճարված վճարները զուտ ստացված վճարներով և զեղչված սկզբնական արդյունավետ տոկոսադրույքով, նվազագույնը 10 տոկոսով տարբերվում է սկզբնական ֆինանսական պարտավորության մնացած դրամական միջոցների հոսքերի զեղչված ներկա արժեքից:

2 Հաշվապահական հաշվառման նշանակալի քաղաքականություն (շարունակություն)

Եթե պարտքային գործիքների փոխանակումը կամ պայմանների փոփոխումը հաշվառվում է որպես մարում, ապա ցանկացած կրած ծախսում կամ վճար ճանաչվում է որպես մարումից օգուտի կամ կորստի մաս: Եթե փոխանակումը կամ պայմանների փոփոխումը չի հաշվառվում որպես մարում, ապա ցանկացած կրած ծախսում կամ վճար ճշգրտում է պարտավորության հաշվեկշռային արժեքը և ամորտիզացվում փոփոխված պարտավորության մնացորդային ժամանակահատվածում:

Պարտավորությունների վերափոխումները, որոնք չեն հանգեցնում մարման, հաշվառվում են որպես գնահատականի փոփոխություն կիրառելով կուտակային մեթոդ և ճանաչելով օգուտ կամ կորուստը շահույթի կամ վնասի կազմում, բացի այն դեպքերից, երբ տարբերության տնտեսական էությունը ներառվում է սեփականատերերի կապիտալ գործարքների կազմում:

Ֆինանսական պարտավորություններ՝ իրական արժեքով՝ շահույթի կամ վնասի միջոցով չափվող:

Հիմնադրամը կարող է սկբնական ճանաչման պահին որոշ պարտավորություններ դասակարգել որպես ֆինանսական պարտավորություններ՝ իրական արժեքով՝ շահույթի կամ վնասի միջոցով չափվող: Այս պարտավորություններից առաջացող օգուտները կամ վնասները ներկայացվում են շահույթի կամ վնասների կազմում, բացի այն դեպքերից, երբ ֆինանսական պարտավորության իրական արժեքի փոփոխության գումարը, որը վերագրելի է այդ պարտավորության պարտքային ռիսկի փոփոխություններին ներառվում է այլ համապարփակ ֆինանսական արդյունքում: Երբ նման հաշվառումը ստեղծում է հաշվառման անհամապատասխանություն, այս փոփոխության գումարը ներառվում է շահույթում կամ վնասում:

Ֆինանսական գործիքների հաշվանցում: Ֆինանսական ակտիվները և պարտավորությունները հաշվանցվում են, և ֆինանսական վիճակի մասին հաշվետվությունն արտացոլում է գուտ գումարը միայն այն դեպքերում, երբ առկա է արտացոլված գումարները հաշվանցելու իրավաբանորեն հաստատված իրավունք, ինչպես նաև՝ մտադրություն կամ կատարել հաշվանցում կամ էլ միաժամանակ իրացնել ակտիվը և մարել պարտավորությունը: Հաշվանցման դիտարկվող իրավունքը (ա) չպետք է կախված լինի ապագա հնարավոր իրադարձություններից, և (բ) պետք է իրավաբանորեն հնարավոր լինի կատարել հետևյալ հանգամանքներում. (i) սովորական ֆինանսա-տնտեսական գործունեության իրականացման ընթացքում, (ii) վճարման պարտավորությունների չկատարման դեպքում (դեֆոլտի իրադարձություն) և (iii) անվճարունակության կամ սնանկության դեպքում:

Դրամական միջոցներ և դրանց համարժեքներ: Դրամական միջոցները և դրանց համարժեքները ներառում են առձեռն դրամական միջոցները, բանկերում պահվող ցպահանջ ավանդները և այլ կարճաժամկետ բարձր իրացվելիություն ունեցող ներդրումները՝ երեք ամիս կամ դրանից պակաս սկզբնական մարման ժամկետով: Դրամական միջոցները և դրանց համարժեքները հաշվառվում են ամորտիզացված արժեքով, որովհետև (i) դրանք պահվում են պայմանագրային դրամական միջոցների հոսքերի հավաքագրման համար և այդ պայմանագրային դրամական միջոցների հոսքերը միայն մայր գումարի և չմարված մայր գումարի վրա հաշվարկված տոկոսների վճարումներ են, և (ii) դրանք չեն դասակարգվում որպես իրական արժեքով՝ շահույթի կամ վնասի միջոցով չափվող: Այն առանվնահատկություններ, որոնք պարտադիր են համաձայն օրենսդրության, ինչպիսիք են որոշ երկրներում գրավադրման մասին օրենսդրությունը, չունեն ազդեցություն միայն մայր գումարի և դրա չմարված մասի վրա հաշվարկված տոկոսների վճարումների թեստի վրա, բացի այն դեպքերից, երբ դրանք ներառված են պայմանագրային պայմաններում:

Առևտրային և այլ դեբիտորական պարտքեր: Առևտրային և այլ դեբիտորական պարտքերը սկզբնապես ճանաչվում են իրական արժեքով, հետագա չափումն իրականացվում է ամորտիզացված արժեքով՝ օգտագործելով արդյունավետ տոկոսադրույքի մեթոդը:

2 Հաշվապահական հաշվառման նշանակալի քաղաքականություն (շարունակություն)

Առևտրային և այլ կրեդիտորական պարտքեր: Առևտրային և այլ կրեդիտորական պարտքերը սկզբնապես ճանաչվում են իրական արժեքով, երբ կոնտրագենտը կատարում է պայմանագրով նախատեսված իր պարտավորությունները: Հետագա չափումն իրականացվում է ամորտիզացված արժեքով՝ օգտագործելով արդյունավետ տոկոսադրույքի մեթոդը:

Կապիտալացված շինարարական աշխատանքներ: Կապիտալ նախագծերի ծախսերը, որի մեջ մտնում են կառուցողների, նյութերի և այլ հարակից ծախսերը, կուտակվում/կապիտալացվում են Հիմնադրամի ֆինանսական վիճակի մասին հաշվետվության՝ «կապիտալացված շինարարական աշխատանքներ» բաժնում, քանի դեռ շինարարությունը չի ավարտվել և նախատեսված են նվիրատվության համար: Շինարարության այս կապիտալացված ծախսերը դիտարկվում են որպես Հիմնադրամի ընթացիկ ակտիվներ և հաշվեգրվում են սկզբնական արժեքով:

Շինության նվիրատվության ժամանակ Հիմնադրամը դուրս կգրի շինարարության կուտակված կապիտալացված ծախսերը և համապատասխան եկամուտը՝ որպես նվիրատվություններից ստացված եկամուտ:

Հետաձգված հասույթ: Ստացված նվիրաբերությունները ճանաչվում են ֆինանսական վիճակի մասին հաշվետվությունում՝ որպես հետաձգված հասույթ, որոնք էլ ճանաչվում են եկամուտ՝ համապարփակ եկամուտների հաշվետվությունում՝ ըստ ծրագրերի իրականացման ծախսերի, ինչի նպատակով էլ ստացվել էին նվիրատվությունները: Կապիտալ շինարարական աշխատանքների գծով հետաձգված եկամուտը ճանաչվում է որպես եկամուտ համապատասխան աշխատանքների ավարտից հետո: Իսկ անսահմանափակ օգտագործման նվիրատվություններից մուտքերը ճանաչվում են միանգամից շահույթի կամ վնասի և այլ համապարփակ եկամտի մասին հաշվետվությունում:

Հատուցումներ աշխատակիցներին: Աշխատավարձը, տարեկան վճարովի արձակուրդը, հիվանդության պատճառով բացակայությունը և պարգևավճարները հաշվեգրվում են այն տարում, երբ տվյալ հատուցումները որոշող համապատասխան ծառայությունները մատուցվել են Հիմնադրամի աշխատակիցների կողմից: Պետական կենսաթոշակային և սոցիալական ապահովության ֆոնդերին հատկացումներից բացի, Հիմնադրամը չունի կենսաթոշակային կամ համանման այլ վճարումներ կատարելու իրավական պարտավորություն:

Շահութահարկ: Շահութահարկը ներկայացվում է ֆինանսական հաշվետվություններում համաձայն օրենսդրության, որն, ըստ էության, գործում է կամ ուժի մեջ է մտել հաշվետու ժամանակաշրջանի վերջի դրությամբ: Շահութահարկի գծով ծախսը բաղկացած է ընթացիկ և հետաձգված հարկերից և ճանաչվում է տարվա շահույթում կամ վնասում, բացառությամբ այն դեպքերի, երբ այն ճանաչվում է այլ համապարփակ եկամտում կամ անմիջապես սեփական կապիտալում, քանի որ վերաբերում է այնպիսի գործարքների, որոնք տվյալ կամ այլ ժամանակաշրջանում ճանաչվում են այլ համապարփակ եկամտում կամ անմիջապես սեփական կապիտալում:

Ընթացիկ հարկն այն գումարն է, որը ենթակա է վճարման կամ հարկային մարմիններից փոխհատուցման և վերաբերում է ընթացիկ կամ նախորդ ժամանակաշրջանների հարկվող շահույթներին կամ վնասներին: Հարկվող շահույթը կամ վնասը հիմնվում է գնահատականի վրա, եթե ֆինանսական հաշվետվությունները պատրաստվում են հարկային հայտարարագրերի ներկայացումից հետո: Շահութահարկից տարբերվող այլ հարկերը, ճանաչվում են գործառնական ծախսերում:

Հետաձգված հարկերը հաշվարկվում են՝ կիրառելով հաշվեկշռային պարտավորության մեթոդը հետագա տարիներին փոխանցվող հարկային վնասի և ժամանակավոր տարբերությունների համար, որոնք առկա են ֆինանսական հաշվետվությունների նպատակով օգտագործվող ակտիվների և պարտավորությունների հաշվեկշռային արժեքները և հարկային նպատակով օգտագործվող արժեքները համեմատելիս:

2 Հաշվապահական հաշվառման նշանակալի քաղաքականություն (շարունակություն)

Համաձայն սկզբնական ճանաչման վերաբերյալ բացառության, հետաձգված հարկը չի գրանցվում այն ժամանակավոր տարբերությունների դեպքում, երբ ակտիվի կամ պարտավորության սկզբնական ճանաչումը կատարվում է այնպիսի գործարքում, որը չի հանդիսանում ձեռնարկատիրական գործունեության միավորում և որը սկզբնապես գրանցվելիս, ազդեցություն չունի ո՛չ հաշվապահական, և ո՛չ էլ հարկվող շահույթի վրա: Հետաձգված հարկային մնացորդները չափվում են կիրառելով հարկային դրույքները, որոնք, ըստ էության, գործում են կամ ուժի մեջ են մտել հաշվետու ժամանակաշրջանի վերջի դրությամբ և որոնք ակնկալվում է կիրառել այն ժամանակահատվածներում, երբ ժամանակավոր տարբերությունները հակադարձվեն կամ նախորդ ժամանակաշրջաններից բերված հարկային վնասն օգտագործվի:

Նվազեցվող ժամանակավոր տարբերությունների և նախորդ ժամանակաշրջաններից բերված հարկային վնասի մասով հետաձգված հարկային ակտիվը գրանցվում է միայն այն չափով, որքանով հավանական է, որ առկա կլինի հարկվող շահույթ, որի դիմաց կարող են օգտագործվել նվազեցումները:

Հետաձգված հարկային ակտիվները և պարտավորությունները հաշվանցվում են, եթե կա իրավաբանորեն ամրագրված իրավունք չեզոքացնել ընթացիկ հարկային ակտիվները ընթացիկ հարկային պարտավորությունների դիմաց և, երբ հետաձգված շահութահարկի ակտիվներն ու պարտավորությունները վերաբերում են շահութահարկին, որը գանձվում է նույն հարկային մարմնի կողմից նույն հարկվող անձից կամ տարբեր հարկատուներից, որտեղ կա մնացորդները գուտ հիմունքով կարգավորելու մտադրություն:

Հասույթի ճանաչում: Հիմնադրամի եկամտի աղբյուր է հանդիսանում Հիմնադրամի հիմնական գործունեությունից առաջացող եկամուտը: Հասույթը ճանաչվում է գործարքի գնի չափով: Գործարքի գինը հատուցման այն գումարն է, որը Հիմնադրամն ակնկալում է ստանալ, որպես փոխանակում, գնորդին խոստացված ապրանքները կամ ծառայությունները փոխանցելու դիմաց, բացառությամբ երրորդ կողմերի անունից հավաքագրված գումարները:

Տոկոսային եկամուտ: Տոկոսային եկամուտը ճանաչվում է բոլոր պարտքային գործիքների համար հաշվեգրման սկզբունքով՝ կիրառելով արդյունավետ տոկոսադրույքի մեթոդը: Այս մեթոդը հետաձգում է, որպես տոկոսային եկամտի մաս, կողմերից ստացված պայմանագրին վերաբերող ամբողջ վճարը, որը հանդիսանում է արդյունավետ տոկոսադրույքի մեթոդի անբաժանելի մաս: Արդյունավետ տոկոսադրույքի մեթոդին վերաբերող վճարներ են հանդիսանում սկզբնավորման վճարները՝ ստացված կամ վճարված Հիմնադրամի կողմից, որոնք կապված են ֆինանսական ակտիվի ստեղծման կամ գնման հետ, օրինակ, վճարունակության գնահատման վճարներ, երաշխիքների կամ գրավների գնահատման և գրանցման վճարներ, գործիքի պայմանների բանակցման և գործարքի փաստաթղթերի կազմման վճարներ:

Այն ֆինանսական ակտիվների համար, որոնք գնված կամ սկզբնավորված պարտքային-արժեզրկված ֆինանսական ակտիվներ են, Հիմնադրամը պետք է կիրառի պարտքային ռիսկով ճշգրտված արդյունավետ տոկոսադրույք ֆինանսական ակտիվի ամորտիզացված արժեքի նկատմամբ սկզբնական ճանաչման պահից սկսած: Արդյունքում ստացվում է պարտքային ռիսկով ճշգրտված արդյունավետ տոկոսադրույք:

Տոկոսային եկամուտը հաշվարկվում է կիրառելով արդյունավետ տոկոսադրույքի մեթոդը ֆինանսական ակտիվի համախառն հաշվեկշռային արժեքի նկատմամբ, բացառությամբ (i) ֆինանսական ակտիվների, որոնք դարձել են պարտքային-արժեզրկված և որոնց համար տոկոսային հասույթը հաշվարկվում է կիրառելով արդյունավետ տոկոսադրույքը դրանց ամորտիզացված արժեքի նկատմամբ՝ գուտ ակնկալվող պարտքային կորուստներից, և (ii) գնված կամ սկզբնավորված պարտքային-արժեզրկված ֆինանսական ակտիվների, որոնց համար սկզբնավորման պարտքային ռիսկով ճշգրտված արդյունավետ տոկոսադրույքը կիրառվում է դրանց ամորտիզացված արժեքի նկատմամբ:

2 Հաշվապահական հաշվառման նշանակալի քաղաքականություն (շարունակություն)

Թողարկումից հետո ֆինանսական հաշվետվությունների փոփոխություն: Թողարկումից հետո այս ֆինանսական հաշվետվությունների ցանկացած փոփոխություն պահանջում է Հիմնադրամի ղեկավարության հաստատումը, ով հաստատել է այս ֆինանսական հաշվետվությունների թողարկումը:

3 Հաշվապահական հաշվառման քաղաքականության էական գնահատականներ և դատողություններ

Հիմնադրամը կատարում է գնահատականներ և ենթադրություններ, որոնք ազդեցություն ունեն ֆինանսական հաշվետվություններում ճանաչված գումարների և հաջորդ ֆինանսական տարվա ակտիվների և պարտավորությունների հաշվեկշռային արժեքների վրա: Գնահատականներն ու դատողությունները շարունակական կերպով վերանայվում են և հիմնված են ղեկավարության փորձի և այլ գործոնների վրա, ինչպիսիք են հետագա իրադարձությունների ակնկալիքները, որոնք առկա պայմաններում տրամաբանական են համարվում: Գնահատականներից բացի, ղեկավարությունը կատարում է նաև որոշակի այլ դատողություններ հաշվապահական հաշվառման քաղաքականության կիրառման գործընթացում: Դատողությունները, որոնք առավել նշանակալի ազդեցություն ունեն ֆինանսական հաշվետվություններում ճանաչված արժեքների վրա, և գնահատականները, որոնք կարող են հիմք հանդիսանալ հաջորդ ֆինանսական տարվա ակտիվների և պարտավորությունների հաշվեկշռային արժեքներում նշանակալի ճշգրտման համար, հետևյալն են.

Կապակցված կողմերի հետ գործարքների սկզբնական ճանաչում: Բնականոն գործունեության ընթացքում Հիմնադրամը գործարքի մեջ է մտնում իր կապակցված կողմերի հետ: ՖՀՄՍ 9-ը պահանջում է ֆինանսական գործիքների սկզբնական ճանաչում՝ հիմնված նրանց իրական արժեքի վրա: Դատողությունը կիրառվում է որոշելու, թե արդյոք գործարքները գնահատված են շուկայական կամ ոչ շուկայական տոկոսադրույքներով, երբ չկա ակտիվ շուկա այդպիսի գործարքների համար: Դատողության համար հիմք է հանդիսանում նմանատիպ գործարքների գնահատումը չկապակցված կողմերի հետ և արդյունավետ տոկոսադրույքով վերլուծությունները: Կապակցված կողմերի հաշվեկշռի պայմաններն ու դրույթները բացահայտվում են ծանոթագրություն 19-ում:

Ակնկալվող պարտքային կորուստների չափում: Ակնկալվող պարտքային կորուստների չափումը նշանակալի գնահատական է, որի ստացման համար օգտագործվում է չափման մեթոդոլոգիա, մոդել և մուտքային տվյալներ: Ակնկալվող պարտքային կորուստների չափման մեթոդոլոգիայի մանրամասները բացահայտվում են Ծանոթագրություն 15-ում: Հետևյալ բաղադրիչներն ունենում են զգալի ազդեցություն ակնկալվող պարտքային կորուստների գծով պահուստի վրա. անվճարունակության սահմանումը, պարտքային ռիսկի նշանակալի աճը, անվճարունակության հավանականությունը, անվճարունակության ռիսկին ենթարկվածությունը և կորստի չափը անվճարունակության դեպքում, ինչպես նաև մակրոտնտեսական սցենարների մոդելները: Հիմնադրամը կանոնավոր կերպով վերանայում և հաստատում է մոդելներն ու ելակետային տվյալները, որպեսզի նվազեցնի ակնկալվող պարտքային կորուստների գնահատականի և փաստացի ստացված արժեքի վնասների տարբերությունը:

Հիմնական միջոցների օգտակար ծառայության ժամկետներ: Հիմնական միջոցների օգտակար ծառայության ժամկետների գնահատականը հիմնված է դատողության վրա՝ ելնելով նմանատիպ ակտիվների հետ ունեցած փորձից: Ակտիվի մեջ մարմնավորված տնտեսական օգուտները Հիմնադրամը սպառում է գլխավորապես դրա օգտագործման միջոցով: Այնուամենայնիվ, այլ գործոններ, ինչպիսիք են տեխնիկական կամ կոմերցիոն հնացածությունը, պարապորդի ընթացքում ֆիզիկապես մաշվելը, հաճախ պատճառ են դառնում այն տնտեսական օգուտների նվազման, որոնք կարող էին ստացվել ակտիվից: Ղեկավարությունը գնահատում է օգտակար ծառայության ժամկետի մնացորդը համաձայն ակտիվների ընթացիկ տեխնիկական վիճակի և ակնկալվող ժամկետի, որի ընթացքում ակնկալվում է ստանալ տնտեսական օգուտներ տվյալ ակտիվից:

3 Հաշվապահական հաշվառման քաղաքականության էական գնահատականներ և դատողություններ (շարունակություն)

Հաշվի են առնվում հետևյալ առաջնային գործոնները. (ա) ակտիվի ակնկալվող օգտագործում, (բ) տեխնիկական հնացածություն, որը կախված է գործառնական գործոններից և սպասարկման ծրագրից, և (գ) տեխնիկական և կոմերցիոն հնացածություն, որն առաջանում է շուկայական պայմանների փոփոխություններից:

Եթե ակնկալվող օգտակար ծառայության ժամկետները տարբերվեն ղեկավարության գնահատականից 10%-ով, մաշվածության վրա ազդեցությունը առ 31 դեկտեմբերի 2019թ. կկազմի աճ կամ նվազում 1,686 հազ. ՀՀ դրամով (2018թ.: աճ 205 հազ. ՀՀ դրամով կամ նվազում 205 հազ. ՀՀ դրամով):

4 Նոր կամ վերանայված ստանդարտների և մեկնաբանությունների կիրառումը

ՖՀՄՍ 16 «Վարձակալություն» (թողարկվել է 2016-ի հունվարի 13-ին և ուժի մեջ է 2019 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար): Հիմնադրամը որոշել է կիրառել սույն ստանդարտը պարտադիր ընդունման օրվանից՝ 2019թ. հունվարի 1-ից՝ օգտագործելով վերափոխված հետընթաց մեթոդն առանց համադրելի տեղեկատվության վերահաշվարկի և կիրառելով ստանդարտի կողմից թույլատրված որոշակի պարզեցումներ: Անցման պահին անշարժ գույքի վարձակալության համար օգտագործման իրավունքի ձևով ակտիվները չափվում են այնպես՝ եթե նոր կանոնները միշտ էլ կիրառվելուս լինեին: Օգտագործման իրավունքի ձևով բոլոր այլ ակտիվները չափվում են կիրառման պահին առկա վարձակալության գծով պարտավորության արժեքով (ճշգրտված յուրաքանչյուր կանխավճարված կամ հաշվեգրված ծախսերով):

ՖՀՄՍ 16-ն առաջին անգամ կիրառելիս Հիմնադրամն օգտագործել է ստանդարտով թույլատրված հետևյալ գործնական բնույթի պարզեցումները.

- կիրառել մեկ միասնական զեղչման դրույք խելամտորեն համանման հատկանիշներ ունեցող վարձակալությունների պորտֆելի նկատմամբ,
- օգտագործելով վարձակալության պայմանագրերի անբարենպաստության բնույթի նախորդ վերլուծությունը, որպես այլընտրանք՝ արժեզրկման ստուգման իրականացման համար – առ 1 հունվարի 2019թ., անբարենպաստ պայմանագրերը բացակայում են,
- որպես կարճաժամկետ վարձակալություն հաշվառել այն գործառնական վարձակալությունները՝ որոնց ավարտին մնացած ժամկետը առ 1 հունվարի 2019թ. 12 ամսից պակաս է,
- նախնական կիրառման ամսաթվին օգտագործման իրավունքի ձևով ակտիվը չափելիս բացառել սկզբնական ուղղակի ծախսումները, և
- վարձակալության ժակետը որոշելիս՝ կիրառել հայտնի դարձած տեղեկատվությունը հետադարձ ամսաթվով, եթե պայմանագիրը պարունակում է վարձակալությունը երկարաձգելու կամ դադարեցնելու օպցիոններ:

Հիմնադրամը որոշեց կրկնակի չվերլուծել՝ արդյոք պայմանագիրը վարձակալության պայմանագիր է կամ պարունակում է վարձակալություն սկզբնական կիրառման ամսաթվի դրությամբ: Փոխարենը, անցումային ամսաթվից առաջ կնքված պայմանագրերի դեպքում Հիմնադրամը հիմնվել է իր գնահատման վրա, որի նկատմամբ կիրառվել է «Վարձակալություն» ՀՀՄՍ 17-ը և «Համաձայնություններում վարձակալության առկայության որոշում», ՖՀՄՄԿ 4-ը:

Առ 31 դեկտեմբերի 2019թ. և 31 դեկտեմբերի 2018թ. Հիմնադրամը չի ունեցել վարձակալության պայմանագրեր, այսպիսով ՖՀՄՍ 16-ի ընդունումը չունի ոչ մի ազդեցություն Հիմնադրամի ֆինանսական հաշվետվություններին վրա:

4 Նոր կամ վերանայված ստանդարտների և մեկնաբանությունների կիրառումը (շարունակություն)

Ստորև թվարկված վերանայված ստանդարտները Հիմնադրամի համար պարտադիր են դարձել 2019 թվականի հունվարի 1-ից, բայց Հիմնադրամի վրա էական ազդեցություն չեն ունեցել.

- ՖՀՄՄԿ 23 «Շահութահարկի հաշվառման մոտեցման անորոշություն» (թողարկվել է 2017 թվականի հունիսի 7-ին և ուժի մեջ է 2019 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար):
- «Բացասական հատույցով վաղաժամ մարման առանձնահատկություններ» – Փոփոխություններ ՖՀՄՄ 9-ում (թողարկվել են 2017 թվականի հոկտեմբերի 12-ին և ուժի մեջ են 2019 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար):
- «Երկարաժամկետ բաժնեմասեր ասոցացված կազմակերպություններում և համատեղ ձեռնարկություններում» – Փոփոխություններ ՀՀՄՄ 28-ում (թողարկվել են 2017 թվականի հոկտեմբերի 12-ին և ուժի մեջ են 2019 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար):
- ՖՀՄՄ-ի տարեկան բարելավումներ, 2015-2017թթ. - փոփոխություններ ՖՀՄՄ 3-ում, ՖՀՄՄ 11-ում, ՀՀՄՄ 12-ում և ՀՀՄՄ 23-ում (թողարկվել է 2017 թվականի դեկտեմբերի 12-ին և ուժի մեջ է 2019 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար):
- Փոփոխություններ ՀՀՄՄ 19 «Կենսաթոշակային պլանի փոփոխություն, կրճատում կամ վերջնահաշվարկ» (թողարկվել է 2018 թվականի փետրվարի 7-ին և ուժի մեջ է 2019 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար):

5 Հաշվապահական հաշվառման նոր հրապարակումներ

Էականության սահմանում – փոփոխություններ ՀՀՄՄ 1-ում և ՀՀՄՄ 8-ում (թողարկվել են 2018 թվականի հոկտեմբերի 31-ին և ուժի մեջ են 2020 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար): Փոփոխությունները հստակեցնում են «էական»-ի սահմանումը, և ինչպես այն պետք է կիրառվի՝ սահմանման մեջ ներառելով այն ուղեցույցը, որը մինչ այժմ հատկանշական է եղել այլ ՖՀՄՄ-ներին: Ի լրումն, բարելավվել են սահմանմանը վերաբերող պարզաբանումները: Փոփոխությունները նաև ապահովում են «էական» սահմանման կիրառման համապատասխանությունը բոլոր ՖՀՄՄ ստանդարտներում: Տեղեկատվությունը համարվում է էական, եթե այն բաց թողնելու, ոչ ճիշտ ներկայացնելու կամ քողարկելու արդյունքում կարելի է խելամոռեն ակնկալել, որ դրանք կազդեն այն որոշումների վրա, որոնք ընդհանուր նշանակության ֆինանսական հաշվետվությունների հիմնական օգտագործողները կայացվել են կոնկրետ հաշվետու կազմակերպության վերաբերյալ ֆինանսական տեղեկատվություն պարունակող ֆինանսական հաշվետվությունների հիման վրա:

Բազային տոկոսադրույքների բարեփոխում . Փոփոխություններ ՖՀՄՄ 9-ում, ՀՀՄՄ 39-ում և ՖՀՄՄ 7-ում (թողարկվել է 2019 թվականի սեպտեմբերի 26-ին և ուժի մեջ է 2020 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար): Փոփոխությունները պայմանավորված են այնպիսի բազային տոկոսադրույքների փոփոխությամբ, ինչպիսիք են ԼԻԲՈՐ-ը և միջբանկային այլ դրույքները (ԻԲՈՐ): Փոփոխությունները նախատեսում են այն հեջավորման փոխհարաբերությունների հեջի հաշվառման հատուկ պահանջների կիրառումից ժամանակավոր ազատում, որոնց վրա ԻԲՈՐ-ի բարեփոխումը ուղղակիորեն ազդեցություն ունի:

5 Հաշվապահական հաշվառման նոր հրապարակումներ (շարունակություն)

ՖՀՄՍ 9-ին և ՀՀՄՍ 39-ին համապատասխան դրամական հոսքերի հեջավորման հաշվառումը պահանջում է, որ հեջավորված ապագա դրամական հոսքերը լինեն «առավել հավանական»: Այն դեպքերում, երբ այդ դրամական միջոցների հոսքերը կախված են ԻԲՈՒԲ-ից, փոփոխությունների արդյունքում կիրառվող ազատումը կազմակերպությունից պահանջում է ենթադրել, որ տոկոսադրույքը, որի վրա հիմնված են հեջավորված դրամական հոսքերը, ԻԲՈՒԲ-ի փոփոխությունների արդյունքում փոփոխության չի ենթարկվի: ՀՀՄՍ 39-ը և ՖՀՄՍ 9-ը պահանջում են իրականացնել առաջընթաց գնահատում հեջի հաշվառումը կիրառելու համար: Ներկայումս ենթադրվում է, որ ԻԲՈՒԲ-ի և ԻԲՈՒԲ-ի փոփոխված դրույքերով դրամական միջոցների հոսքերը ընդհանուր առմամբ համարժեք են, ինչը նվազեցնում է ցանկացած անարդյունավետություն: Այդուհանդերձ, բարեփոխման ամսաթիվի մոտենալուն պես, այս իրավիճակը կարող է փոխվել: Փոփոխությունների համաձայն կազմակերպությունը կարող է ենթադրել, որ բազային տոկոսադրույքը, որի վրա հիմնված են հեջավորված հոդվածի, հեջավորման գործիքի կամ հեջավորված ռիսկի դրամական միջոցների հոսքը, ԻԲՈՒԲ-ի բարեփոխումների արդյունքում չի փոփոխվի: ԻԲՈՒԲ-ի բարեփոխումները կարող են նաև հանգեցնել նրան, որ հեջը ՀՀՄՍ 39-ով նախորոշված հետընթաց ստուգման համար պահանջվող 80–125 տոկոսի միջակայքից դուրս մնա: Հետևաբար, ՀՀՄՍ 39-ում փոփոխություններ են կատարվել՝ հետընթաց արդյունավետության ստուգման ժամանակ բացառություն ապահովելու համար, որպեսզի հեջը չդադարի ԻԲՈՒԲ-ի անորոշության ժամանակահատվածում միայն այն պատճառով, որ հետընթաց արդյունավետությունը նշված միջակայքից դուրս է մնացել: Այդուհանդերձ, հեջավորման հաշվառման այլ պահանջներն՝ այդ թվում առաջընթաց գնահատականը, պետք է բավարարվեն: Որոշ հեջերի դեպքում հեջավորված հոդվածը կամ հեջավորված ռիսկը պայմանագրով չնախատեսված ԻԲՈՒԲ-ի ռիսկի բաղադրիչ են: Հեջի հաշվառումը կիրառելու նպատակով, ՖՀՄՍ 9-ը և ՀՀՄՍ 39-ը պահանջում են, որ նախորոշված ռիսկային բաղադրիչը լինի առանձին նույնականացվող և արժանահավատորեն չափելի: Փոփոխությունների համաձայն, ռիսկային բաղադրիչը առանձին նույնականացվող է միայն սկզբնական հեջավորման նախորոշման ժամանակ, այլ ոչ թե շարունակական հիմունքներով: Մակրոհեջավորման համատեքստում, երբ կազմակերպությունը հաճախ է վերանայում հեջավորման փոխհարաբերություններն, ազատումը կիրառվում է այն պահից, երբ հեջավորված հոդվածը սկզբնապես նախորոշվել էր տվյալ հեջավորման փոխհարաբերության կազմում: Հեջի ցանկացած անարդյունավետություն կշարունակվի հաշվառվել շահույթում կամ վնասում համաձայն ՀՀՄՍ 39-ի և ՖՀՄՍ 9-ի: Փոփոխությունները սահմանում են ազատման դադարեցումը որոշող գործոնները, ներառյալ բազային տոկոսադրույքի բարեփոխման արդյունքում առաջացած անորոշությունը: Փոփոխությունների համաձայն՝ կազմակերպությունները պարտավոր են լրացուցիչ տեղեկատվություն տրամադրել ներդրողներին իրենց հեջավորման հարաբերությունների վերաբերյալ, որոնց վրա ուղղակի ազդեցություն են ունեցել այդ անորոշությունները, ներառյալ հեջավորման գործիքների անվանական արժեքը, որոնց նկատմամբ կիրառվել է ազատումը, ազատման կիրառման արդյունքում կատարած ցանկացած նշանակալի ենթադրությունները կամ դատողությունները և որակական բացահայտումներ այն մասին, թե ինչպես է կազմակերպության վրա անդրադարձել ԻԲՈՒԲ-ի բարեփոխումը և ինչպես է այն կառավարում անցումային գործընթացը:

ՖՀՄՍ 10-ում և ՀՀՄՍ 28-ում փոփոխություններ - «Ակտիվների վաճառք կամ ներդրում ներդրողի և նրա ստացված կազմակերպությունների կամ համատեղ ձեռնարկությունների միջև գործարքներում» (թողարկվել է 2014 թվականի սեպտեմբերի 11-ին և ուժի մեջ է տարեկան ժամանակաշրջանների համար, որը կորոշվի ՀՀՄՍ-ի կողմից կամ այդ ամսաթվից հետո): Այս փոփոխությունները վերացնում են ՖՀՄՍ 10-ի և ՀՀՄՍ 28-ի պահանջների միջև անհամապատասխանությունը ներդրողի կողմից ստացված կազմակերպություններում կամ համատեղ ձեռնարկություններում ակտիվների վաճառքի կամ ներդրման միջև: Փոփոխությունների հիմնական հետևանքն այն է, որ շահույթը կամ վնասը ճանաչվում է ամբողջությամբ, եթե գործարքը վերագրվում է ձեռնարկատիրական գործունեությանը: Եթե ակտիվները իրենցից ձեռնարկատիրական գործություն չեն ներկայացնում, եթե նույնիսկ այդ ակտիվներին տիրապետում է դուստր ձեռնարկությունը, ապա ճանաչվում է շահույթի կամ վնասի միայն մի մասը:

5 Հաշվապահական հաշվառման նոր հրապարակումներ (շարունակություն)

ՖՀՄՄ 17 “Ապահովագրության պայմանագրեր” (թողարկվել է 2017 թվականի մայիսի 18-ին և ուժի մեջ է 2021 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար): ՖՀՄՄ 17-ը փոխարինում է ՖՀՄՄ 4-ին, որը թույլ է տալիս ընկերություններին շարունակել օգտագործել ապահովագրության պայմանագրերի հաշվառման առկա պրակտիկան, որի արդյունքում ներդրողներին դժվար էր համեմատել և հակադրել մնացած ցուցանիշներով նմանատիպ ապահովագրական ընկերությունների ֆինանսական արդյունքները: ՖՀՄՄ 17-ը միասնական սկզբունքների վրա հիմնված ստանդարտ է՝ ապահովագրության պայմանագրերի բոլոր տեսակները հաշվառելու համար, այդ թվում՝ ապահովագրողի վերապահովագրման պայմանագրերը: Սույն ստանդարտը սահմանում է ապահովագրության պայմանագրերի խմբերի ճանաչում և չափում՝ (i) ռիսկի գործոնով ճշգրտված ապագա դրամական հոսքերի ներկա արժեքով (պայմանագրերի կատարման գծով դրամական հոսքեր), որը ներառում է պայմանագրերի կատարման գծով դրամական հոսքերի վերաբերյալ առկա ամբողջ տեղեկատվությունը, որն էլ համապատասխանում է շուկայական դիտարկելի տեղեկատվությանը, գումարած (եթե սույն արժեքն իրենից ներկայացնում է ակտիվ) կամ հանած (եթե սույն արժեքն իրենից ներկայացնում է պարտավորություն) (ii) պայմանագրերի խմբում չվաստակած շահույթի գումարը (պայմանագրով սահմանված ծառայության մարժա): Ապահովագրողները պետք է ճանաչեն ապահովագրության պայմանագրերի խմբից շահույթն այն ժամանակահատվածում, որի ընթացքում նրանք տրամադրում են ապահովագրական ծածկույթ, և երբ նրանք ազատվում են ռիսկից: Եթե պայմանագրերի խումբը հանդիսանում կամ դառնում է վնասաբեր, ընկերությունը պետք է անմիջապես ճանաչի վնասը:

Ֆինանսական հաշվետվությունների պատրաստման և ներկայացման հայեցակարգային հիմունքների փոփոխություններ (թողարկվել են 2018 թվականի մարտի 29-ին և ուժի մեջ է 2020 թվականի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար): Վերանայված «Հայեցակարգային հիմունքներ»-ը պարունակում է չափման վերաբերյալ նոր գլուխ, ֆինանսական արդյունքի հաշվետվողականության ուղեցույցներ, բարելավված սահմանումներ և ուղեցույցներ, մասնավորապես՝ պարտավորությունների սահմանումն և ֆինանսական հաշվետվություններ պատրաստելիս այնպիսի կարևոր հարցերի պարզաբանումներ, ինչպիսիք են՝ ղեկավարման դերը, հաշվենկատությունը և չափման անորոշությունները:

Ձեռնարկատիրական գործունեության սահմանումը – փոփոխություններ ՖՀՄՄ 3-ում (թողարկվել են 2018 թվականի հոկտեմբերի 22-ին և ուժի մեջ է 2020 թվականի հունվարի 1-ին կամ այդ ամսաթվից հետո սկսվող հաշվետու տարեկան ժամանակաշրջաններում տեղի ունեցած ձեռքբերումների համար): Սույն փոփոխությունները վերանայում են ձեռնարկատիրական գործունեության սահմանումը: Ձեռնարկատիրական գործունեությունը պետք է բաղկացած լինի մուտքային գործոններից (մուտքերից) և բովանդակային գործընթացներից, որոնք միասին նշանակալիորեն նպաստում են արդյունք ստեղծելու հնարավորությանը: Նոր ուղեցույցը սահմանում է մուտքային գործոնների և բովանդակային գործընթացների առկայությունը գնահատելու հիմունքներ, այդ թվում՝ վաղ փուլում գտնվող ընկերությունների համար, որոնք դեռ չեն ստեղծել արդյունք: Արդյունքների բացակայության դեպքում կազմակերպված աշխատուժը պետք է առկա լինի որպես ձեռնարկատիրական գործունեության դասակարգման պայման: «Արդյունք» տերմինի սահմանումը սահմանափակվել է հաճախորդներին տրամադրված ապրանքների և մատուցված ծառայությունների, ներդրումներից եկամուտի և այլ եկամուտի վրա կենտրոնանալու համար և այն բացառում է ծախսումների տնտեսման հատուցները և այլ տնտեսական օգուտները: Անհրաժեշտ չէ, այլևս, գնահատել, թե արդյոք շուկայի մասնակիցները ընդունակ են փոխարինելու բացակայող տարրերը կամ միավորել ձեռք բերված գործունեություններն ու ակտիվները: Կազմակերպությունը կարող է կիրառել «համակենտրոնացման թեստը»: Ձեռք բերված ակտիվները չեն ներկայացնի ձեռնարկատիրական գործունեություն, եթե ձեռք բերված համախառն ակտիվների իրական արժեքը բովանդակային առումով կենտրոնացված է մեկ ակտիվում (կամ համանման ակտիվների խմբում):

Եթե վերևում այլ կերպ նշված չէ, ակնկալվում է, որ նոր ստանդարտներն ու մեկնաբանումները որևէ նշանակալի ազդեցություն չեն ունենա Հիմնադրամի ֆինանսական հաշվետվությունների վրա:

6 Միջոցների իրացումից եկամուտ

<i>հազ. ՀՀ դրամ</i>	2019թ.	2018թ.
Իրականացված ծրագրերի արժեքը	51,718	3,197
Դրամային նվիրատվություններ	23,758	8,000
Բնաիրային նվիրատվություններ	-	986
Ընդամենը միջոցների իրացումից եկամուտ	75,476	12,183

Ծրագրային ծախսերը ներկայացված են համաձայն նույն տարրերի, ինչպես նշված է վերևի աղյուսակում:

7 Վարչական ծախսեր

<i>հազ. ՀՀ դրամ</i>	2019թ.	2018թ.
Մաշվածություն	13,468	7,469
Գրասենյակային և կոմունալ ծախսեր	10,660	-
Մասնագիտական ծառայություններ	2,420	2,440
Հաղորդակցության և տեղեկատվության ծառայություններ	423	1,434
Տրանսպորտային ծախսեր	-	126
Այլ ծախսեր	7,179	6,691
Ընդամենը վարչական ծախսեր	34,150	18,160

8 Շահութահարկ

Հիմնադրամը գնահատում և հաշվառում է իր ընթացիկ վճարվելիք շահութահարկը և իր ակտիվների և պարտավորությունների հարկային բազան՝ համաձայն ՀՀ հարկային օրենսդրության, որը կարող է տարբերվել ՖՀՄՄ-ից:

Հիմնադրամն ունի որոշակի մշտական հարկային տարբերություններ, որոնք առաջանում են շահութահարկի նպատակներով չնվազեցվող որոշակի ծախսերից և շահութահարկի նպատակներով չհարկվող որոշակի եկամուտներից: Համաձայն գործող օրենսդրության, ոչ առևտրային կազմակերպությունների՝ նվիրատվություններից ստացված եկամուտները և դրանց հաշվին կատարված ծախսերը չեն համարվում, համապատասխանաբար, հարկվող եկամուտներ և նվազեցվող ծախսեր շահութահարկի նպատակներով:

Ստորև բերված հաշվարկներում օգտագործվում է ներկայիս հարկի դրույքաչափը՝ 20%, որը ՀՀ-ում վճարվում են ձեռնարկությունների կողմից՝ վերջիններիս հարկվող շահույթից (ինչպես սահմանված է) ՀՀ հարկային օրենսդրության համապատասխան:

<i>հազ. ՀՀ դրամ</i>	2019թ.	2018թ.
Ընթացիկ հարկի գծով ծախս	6,677	7,811
Ընդամենը շահութահարկի գծով ծախս	6,677	7,811

8 Շահութահարկ (շարունակություն)

Տարվա շահութահարկի գծով ծախսը համեմատագրվում է հաշվապահական շահույթին հետևյալ կերպ՝

<i>հազ. ՀՀ դրամ</i>	2019թ.	2018թ.
Վնաս մինչև հարկումը	(49,916)	(35,438)
Շահութահարկի համար հաշվարկված ծախս 20% դրույքաչափով (2018թ.՝ 20%)	(9,983)	(7,088)
Հարկային առումով չնվազեցվող ծախսեր	16,660	14,899
Տարվա շահութահարկի գծով ծախս	6,677	7,811

Հիմնադրամի եկամուտները և ծախսերը համարվում են չհարկվող և չնվազեցվող գործունեության տեսակներ, բացառությամբ գործունեության ոչ հիմնական տեսակների հետ կապված գործունեության: Շահութահարկը տարվա ընթացքում առաջանում է հիմնականում տարվա ֆինանսական եկամուտից:

9 Հիմնական միջոցներ

<i>հազ. ՀՀ դրամ</i>	Փոխադրա- միջոցներ	Գրասենյակային սարքավորումներ	Ընդամենը
Մկզբնական արժեք			
Մնացորդը առ 1 հունվարի 2018թ.	33,430	2,786	36,216
Ավելացումներ	-	26,031	26,031
Օտարումներ	-	(966)	(966)
Մնացորդը առ 31 դեկտեմբերի 2018թ.	33,430	27,851	61,281
Ավելացումներ	14,700	22,367	37,067
Օտարումներ	-	-	-
Մնացորդը առ 31 դեկտեմբերի 2019թ.	48,130	50,218	98,348
Մաշվածություն			
Մնացորդը առ 1 հունվարի 2018թ.	1,876	326	2,202
Մաշվածության ծախս	4,179	3,290	7,469
Օտարումներ	-	(119)	(119)
Մնացորդը առ 31 դեկտեմբերի 2018թ.	6,055	3,497	9,552
Մաշվածության ծախս	5,309	11,553	16,862
Մնացորդը առ 31 դեկտեմբերի 2019թ.	11,364	15,050	26,414
Զուտ հաշվեկշռային արժեք			
Առ 1 հունվարի 2018թ.	31,554	2,460	34,014
Առ 31 դեկտեմբերի 2018թ.	27,375	24,354	51,729
Առ 31 դեկտեմբերի 2019թ.	36,766	35,168	71,934

10 Կապիտալացված շինարարական աշխատանքներ

<i>հազ. ՀՀ դրամ</i>	2019թ.	2018թ.
Մանկական կենտրոն Սբ. Մարգիս եկեղեցու տարածքում		
Առ 1 հունվարի	778,902	701,750
Կապալառուի շինարարական աշխատանքները	-	74,723
Տեխնիկական աջակցություն	-	1,761
Այլ	417	668
Առ 31 դեկտեմբերի	779,319	778,902
Հասարակական կենտրոն Սբ. Հովհաննես եկեղեցու տարածքում		
Առ 1 հունվարի	37,940	37,940
Առ 31 դեկտեմբերի	37,940	37,940
Մայր Աթոռ Սուրբ Էջմիածնի այգին		
Առ 1 հունվարի	5,000	5,000
Առ 31 դեկտեմբերի	5,000	5,000
Առ 31 դեկտեմբերի	822,259	821,842

Մանկական կենտրոն Սբ. Մարգիս եկեղեցու տարածքում: Կապիտալացված շինարարական աշխատանքները ներկայացնում են Հիմնադրամի կողմից Երևան քաղաքի Սբ. Մարգիս եկեղեցու տարածքում մանկական կենտրոնի կառուցապատման ծախսերը: Կենտրոնը պետք է օգտագործվի հաշմանդամ երեխաներին և կարիքավոր ընտանիքներին ուղղված ծրագրերի աշխատանքների և ծրագրերի համար: Կենտրոնի տարբեր ծրագրերն ու գործողությունները պետք է անցկացվեն գործընկեր կազմակերպությունների հետ, ինչպիսին է «Սելվ դը Չիլդրեն»: Ծրագրով նախատեսվում է, որ մատչելիության միջազգային չափանիշներին համապատասխանող կենտրոնում հաշմանդամություն ունեցող երեխաներին կսովորեցնեն ինքնուրույն կյանքի հմտություններ: Կիրականացվեն մի շարք վերականգնողական և կրթական ծրագրեր, ինչպես նաև ճանաչողական և ֆիզիկական բուժական կուրսեր: Ծրագրերի մի մասի իրականացումն արդեն սկսվել է 2019թ. -ի ընթացքում:

Մանկական կենտրոնի նախագծումը և կառուցումը սկսվել է 2013թ.-ին: Առ 31 դեկտեմբերի 2017թ. Մանկական կենտրոնի շինարարությունը մոտենում էր ավարտին: Մանկական կենտրոնի ավարտի վերջնական ակտի ստացումից և կենտրոնի համապատասխան պետական մարմիններում գրանցումն ավարտելուց հետո շենքը կփոխանցվի իր սեփականատեր՝ Էջմիածնի Մայր Աթոռին՝ համաձայն Հիմնադրամի և Մայր Աթոռի միջև 2012թ. դեկտեմբերի 27-ին ստորագրված համաձայնագրի: Շինության պետական գրանցման մասին տեղեկատվությունը ներկայացված է ծանոթագրություն 20-ում:

Հանրային կենտրոն՝ Սբ. Հովհաննես եկեղեցու տարածքում. Հիմնադրամը Սուրբ Հովհաննես եկեղեցու տարածքում ավարտել է երկրորդ կենտրոնի ճարտարապետական / տեխնիկական նախագծման և հաշվառման աշխատանքները: Հիմնադրամը 2018 թվականին դադարեցրել է կենտրոնի շինարարական աշխատանքների մեկնարկը ի պատասխան շրջակա համայնքների անտուն բնակիչների խնդրանքների, մինչև իրենց հատկացված բնակարանների շինարարական աշխատանքների ավարտը: Ներկայումս նոր բնակարանների շինարարական աշխատանքները շարունակվում են, Հիմնադրամը պլանավորում է սկսել Սբ. Հովհաննես եկեղեցու տարածքում հանրային կենտրոնի կառուցումը անտուն բնակիչների բնակարանների պատրաստ լինելուց անմիջապես հետո:

Մայր Աթոռ Սուրբ Էջմիածնի այգին. Հիմնադրամը սկսել և ավարտել է ճարտարապետական և դիզայնի աշխատանքները Մայր Աթոռ Սբ. Էջմիածնի տարածքի այգում, սակայն վերակառուցման և բարեկարգման աշխատանքները դեռևս չեն սկսվել:

11 Բանկերում պահվող ժամկետային ավանդներ

Առ 2019 և 2018թթ. 31 դեկտեմբերի Հիմնադրամն ուներ ավանդ մեկ տեղական բանկում ԱՄՆ դոլարով, ավանդի տոկոսայնությունը 4.5% է (2018թ.՝ 4.5%): Տարվա ընթացքում ավանդների գծով ստացված տոկոսային եկամուտը կազմել է 31,810 հազար դրամ, որը ներառվել է ֆինանսական եկամուտ տողում՝ համապարփակ ֆինանսական արդյունքների մասին հաշվետվությունում (2018թ.՝ 39,054 հազար դրամ):

Հաշվետու ժամանակաշրջանի դրությամբ ավանդները ներառում են 21,461 հազար ՀՀ դրամի չափով հաշվեգրված տոկոսադրույք (առ 31 դեկտեմբերի 2018թ.՝ 27,345 հազար դրամ): Ավանդներից ոչ մեկը ժամկետանց կամ արժեզրկված չէ:

Ավանդի մարման ժամկետն է 2019թ. ապրիլը (2018թ.: ապրիլ, 2019), և կարող է հանվել ցանկացած պահի:

Արժեզրկման կորուստների գծով պահուստը ճանաչվել է ըստ ՖՀՄՍ 9 ընդունման պահանջների և ներկայացնում է փուլ 1-ում գտնվող ակտիվների գծով պահուստ: Արժեզրկման կորուստների գծով պահուստ համադրումը ըստ փուլերի ՖՀՄՍ 9-ի համաձայն հետևյալն է

	2019թ.	
	Փուլ 1	Ընդամենը
Արժեզրկման կորուստների գծով պահուստ առ 1 հունվարի	15,280	15,280
Արժեզրկման կորուստների գծով պահուստի վերականգնում տարվա ընթացքում	(9,941)	(9,941)
Արժեզրկման կորուստների գծով պահուստ առ 31 դեկտեմբերի	5,339	5,339
	2018թ.	
	Փուլ 1	Ընդամենը
Արժեզրկման կորուստների գծով պահուստ առ 1 հունվարի	-	-
Հաշվապահական հաշվառման քաղաքականության փոփոխության ազդեցությունը ՖՀՄՍ 9-ի ընդունման մասով	16,606	16,606
Արժեզրկման կորուստների գծով պահուստ առ 1 հունվարի ըստ ՖՀՄՍ 9	16,606	16,606
Արժեզրկման կորուստների գծով պահուստի վերականգնում տարվա ընթացքում	(1,326)	(1,326)
Արժեզրկման կորուստների գծով պահուստ առ 31 դեկտեմբերի	15,280	15,280

12 Դրամական միջոցներ և դրանց համարժեքներ

	2019թ.	2018թ.
Կանխիկ միջոցներ	2	2
Ցպահանջ վճարման ենթակա բանկային մնացորդներ	28,144	2,985
Ընդամենը դրամական միջոցներ և դրանց համարժեքներ	28,146	2,987

Բոլոր դրամական միջոցները և դրանց համարժեքները դասակարգվում են ընթացիկ և ոչ արժեզրկված (առ 31 դեկտեմբերի 2018թ.՝ ընթացիկ և ոչ արժեզրկված): Ընդունման և հաշվետու ամսաթվի դրությամբ ՖՀՄՍ 9-ի պահանջների համաձայն ԱՎԿ գծով պահուստ չի ստեղծվել, քանի որ նշանակալի չի եղել:

13 Հետաձգված հասույթ

Ստացված նվիրատվությունները նախատեսվել են Հիմնադրամի գործունեության համար՝ ըստ վերջինիս նպատակների և ծրագրերի: Դոնորներից ստացված միջոցներն օգտագործվում են այն ծրագրերի աջակցության համար, որոնք պետք է համապատասխանեն Հիմնադրամի մանդատին, ինչը հաստատված է Հոգաբարձուների կողմից՝ տարեկան ծրագրում և բյուջեում:

Հիմնադրամն իր հիմնադրից նվիրատվություններ է ստանում: Հաշվետու ժամանակաշրջանում ստացված և օգտագործված նվիրատվությունները նկարագրված են ստորև: Միջոցների օգտագործումն իրենից ներկայացնում է ծրագրային ուղիղ ծախսերի նպատակով ծախսված նվիրատվությունների միջոցները, անձնակազմի ծախսերը և վարչական ծախսերը:

	31 դեկտեմբերի 2019թ.	Շարժը 2019թ. ընթացքում	31 դեկտեմբերի 2018թ.	Շարժը 2018թ. ընթացքում	1 հունվարի 2018թ.
Ստացված					
նվիրատվություններ					
Դրամական	1,405,003	-	1,405,003	8,473	1,396,530
Բնաիրային	516,624	-	516,624	-	516,624
Ընդամենը					
նվիրատվություններ	1,921,627	-	1,921,627	8,473	1,913,154
Նվիրատվությունների					
օգտագործում					
Բնաիրային					
նվիրատվություն	(517,622)	-	(517,622)	(986)	(516,636)
Դրամական					
նվիրատվություն	(144,567)	(23,758)	(120,809)	(8,000)	(112,809)
Աջակցություն					
գործունեությանը	(24,927)	-	(24,927)	-	(24,927)
Ծրագրային ծախսեր	(54,915)	(51,718)	(3,197)	(3,197)	-
	(742,031)	(75,476)	(666,555)	(12,183)	(654,372)
Ստացված					
նվիրատվությունների					
մնացորդ հանած					
օգտագործումը					
(հետաձգված եկամուտ)	1,179,596	(75,476)	1,255,072	(3,710)	1,258,782
Կապիտալ ծրագրեր	(822,259)	(417)	(821,842)	(77,152)	(744,690)
Չօգտագործված					
նվիրատվությունների					
մնացորդը	357,337	(75,893)	433,230	(80,862)	514,092

14 Առևտրային և այլ կրեդիտորական պարտքեր

	2019թ.	2018թ.
<i>Ֆինանսական պարտավորություններ</i>		
Պարտավորություններ ծառայությունների և ապրանքների մատվ	1,077	232
Այլ հաշվեգրված պարտավորություններ	2,200	2,000
	3,277	2,232
<i>Ոչ ֆինանսական պարտավորություններ</i>		
Չօգտագործված արձակուրդի պահուստ	15,215	11,100
Պետական բյուջե վճարման ենթակա գումարներ	6,221	1,170
	21,436	12,270
Ընդամենը կրեդիտորական պարտքեր	24,713	14,502

15 Ֆինանսական ռիսկերի կառավարում

Ռիսկերի կառավարումը հանդիսանում է Հիմնադրամի գործունեության հիմնարար գործոն և կարևոր տարր: Հիմնադրամի գործունեությունը ենթակա է ֆինանսական գործիքների օգտագործումից հետևյալ հիմնական ռիսկերի

- Պարտքային ռիսկ
- Իրացվելիության ռիսկ
- Շուկայական ռիսկ

Այս ծանոթագրությունում ներկայացված է տեղեկատվություն վերը նշված յուրաքանչյուր ռիսկին Հիմնադրամի ենթարկվածության մասին, ռիսկերի գնահատման և կառավարման հետ կապված Հիմնադրամի նպատակները, քաղաքականությունը և գործընթացները: Այս ֆինանսական հաշվետվություններում ներկայացված են վերը նշված ռիսկերին վերաբերող թվային բացահայտումները:

Ռիսկի կառավարման հիմունքներ: Հոգաբարձուների խորհուրդը պատասխանատվություն է կրում Հիմնադրամի ռիսկերի կառավարման համակարգի մշակման և վերահսկողության համար: Հիմնադրամի ղեկավարությունը պատասխանատու է Հիմնադրամի ռիսկերի կառավարման քաղաքականությունների մշակման և վերահսկման համար: Ղեկավարությունը կանոնավոր կերպով հաշվետվություններ է ներկայացնում Հոգաբարձուների խորհրդին կատարած աշխատանքի վերաբերյալ:

Հիմնադրամի ռիսկի կառավարման քաղաքականության նպատակն է բացահայտել և վերլուծել այն ռիսկերը, որոնց ենթարկվում է Հիմնադրամը, սահմանել ռիսկերի համապատասխան սահմանաչափեր և վերահսկման մեխանիզմներ, ինչպես նաև շարունակաբար վերահսկել ռիսկերի մակարդակները և դրանց համապատասխանությունը որոշված սահմանաչափերին: Ռիսկերի կառավարման քաղաքականությունն ու ընթացակարգերը կանոնավոր կերպով վերանայվում են՝ շուկայական պայմանների և Հիմնադրամի գործունեության փոփոխություններն արտացոլելու նպատակով: Դասընթացների, կառավարման ստանդարտների և ընթացակարգերի միջոցով Հիմնադրամը նպատակ ունի ձևավորել վերահսկման կանոնակարգված ու կառուցողական միջավայր, որտեղ բոլոր աշխատակիցները հստակ կպատկերացնեն իրենց դերերը և պարտականությունները: Հիմնադրամը կառավարում է իր ծախսումները և գուտ ակտիվները՝ իր գործունեության շարունակականության կարողությունն ապահովելու և միևնույն ժամանակ՝ իրագործելով իր նպատակները ծախսերի օպտիմալացման միջոցով: Հիմնադրամի կողմից իր ռիսկերի չափման եղանակներում փոփոխություններ տեղի չեն ունեցել, ինչպես նաև չեն փոփոխվել ռիսկերի ենթարկվածությունը կամ դրանց կառավարման և չափման մեթոդները:

15 Ֆինանսական ռիսկերի կառավարում (շարունակություն)

(ա) Պարտքային ռիսկ. Հիմնադրամը ենթակա է պարտքային ռիսկի, որն իրենից ներկայացնում է ֆինանսական վնաս կրելու ռիսկ այն դեպքում, երբ ֆինանսական գործիքի պայմանագրային կողմն ի վիճակի չի լինում կատարել իր պայմանագրային պարտավորությունները: Հիմնադրամին հիմնականում բնորոշ է պարտքային ռիսկը հաշվետու ամսաթվի դրությամբ բանկային հաշիվների մնացորդներում առկա դրամական միջոցների և դրանց համարժեքների գծով:

Ենթարկվածությունը պարտքային ռիսկին: Ռիսկի առավելագույն չափն իրենից ներկայացնում է ֆինանսական ակտիվների հաշվեկշռային արժեքը: Պարտքային ռիսկի առավելագույն չափը հաշվետու ամսաթվի դրությամբ հետևյալն է՝

	Առ 31 դեկտեմբերի 2019թ.	Առ 31 դեկտեմբերի 2018թ.
Դրամական միջոցներ և դրանց համարժեքներ	28,146	2,987
Բանկերում պահվող ժամկետային ավանդներ	653,763	809,890
Ընդամենը	681,909	812,877

Վերը նշված աղյուսակում ներկայացված բոլոր ակտիվները տեղակայված են Հայաստանի Հանրապետությունում և չվարկանշված կազմակերպություններում:

(բ) Իրացվելիության ռիսկ. Իրացվելիության ռիսկը ենթադրում է, որ Հիմնադրամը կունենա իր ֆինանսական պարտավորությունների կատարման դժվարություններ՝ դրանց ժամկետը լրանալիս: Հիմնադրամը սահմանափակում է իրացվելիության ռիսկը, քանի որ գործառնություններն իրականացվում են բյուջեի համաձայն: Հիմնադրամի կողմից իրացվելիության ռիսկի կառավարման մոտեցումն է՝ մշտապես ապահովել հնարավորինս բավարար իրացվելիություն պահանջվող ժամկետներում պարտավորությունները մարելու համար՝ թե՛ սովորական, թե՛ արտասովոր պայմաններում՝ առանց անընդունելի վնասների հանգեցնելու կամ Հիմնադրամի համբավը վտանգի ենթարկելու:

Հետևյալ աղյուսակը ներկայացնում է ոչ ածանցյալ ֆինանսական պարտավորությունների իրացվելիության վերլուծությունը առ 31 դեկտեմբերի 2019 և 2018թթ.: Ոչ ածանցյալ ֆինանսական պարտավորությունների գծով դրամական հոսքերն իրենցից ներկայացնում են չզեղչված դրամական հոսքեր՝ ելնելով դրանց պայմանագրով սահմանված ժամկետների գծով պահանջի առաջադրման ամենավաղ ամսաթվից: Չի ակնկալվում, որ այս աղյուսակներում ներկայացված դրամական հոսքերը կարող են տեղի ունենալ էսպես ավելի վաղ, կամ էսպես տարբեր գումարներով:

	Առ 31 դեկտեմբերի 2019թ.		
	Մինչև 6 ամիս	Ընդամենը պայմանագրային դրամական միջոցների հոսքեր	Հաշվեկշռային արժեք
Ոչ ածանցյալ ֆինանսական պարտավորություններ			
Ապրանքների և ծառայությունների գծով վճարվելիք գումարներ	1,077	1,077	1,077
Այլ հաշվեգրված պարտավորություններ	2,200	2,200	2,200
	3,277	3,277	3,277

15 Ֆինանսական ռիսկերի կառավարում (շարունակություն)

	Առ 31 դեկտեմբերի 2018թ.		
	Մինչև 6 ամիս	Ընդամենը պայմանագրային դրամական միջոցների հոսքեր	Հաշվեկշռային արժեք
Ոչ ածանցյալ ֆինանսական պարտավորություններ			
Ապրանքների և ծառայությունների գծով վճարվելիք գումարներ	232	232	232
Այլ հաշվեգրված պարտավորություններ	2,000	2,000	2,000
	2,232	2,232	2,232

Ստորև բերված աղյուսակը ներկայացնում է ոչ ածանցյալ ֆինանսական ակտիվների և պարտավորությունների ժամկետայնության վերլուծությունը ըստ նրանց հաշվեկշռային արժեքների և պայմանագրով սահմանված ժամկետայնության:

	Առ 31 դեկտեմբերի 2019թ.	
	1-6 ամիս	Ընդամենը
Ֆինանսական ակտիվներ		
Կանխիկ միջոցներ և բանկային մնացորդներ	28,146	28,146
Բանկերում պահվող ժամկետային ավանդներ	653,763	653,763
Ընդամենը ֆինանսական ակտիվներ	681,909	681,909
Ֆինանսական պարտավորություններ		
Ապրանքների և ծառայությունների գծով վճարվելիք գումարներ	1,077	1,077
Այլ հաշվեգրված պարտավորություններ	2,200	2,200
Ընդամենը ֆինանսական պարտավորություններ	3,277	3,277
Զուտ դիրք	678,632	678,632

	Առ 31 դեկտեմբերի 2018թ.	
	1-6 ամիս	Ընդամենը
Ֆինանսական ակտիվներ		
Կանխիկ միջոցներ և բանկային մնացորդներ	2,987	2,987
Բանկերում պահվող ժամկետային ավանդներ	809,890	809,890
Ընդամենը ֆինանսական ակտիվներ	812,877	812,877
Ֆինանսական պարտավորություններ		
Ապրանքների և ծառայությունների գծով վճարվելիք գումարներ	232	232
Այլ հաշվեգրված պարտավորություններ	2,000	2,000
Ընդամենը ֆինանսական պարտավորություններ	2,232	2,232
Զուտ դիրք	810,645	810,645

(գ) **Շուկայական ռիսկ.** շուկայական ռիսկը Հիմնադրամի եկամտի կամ նրա ֆինանսական գործիքների արժեքի փոփոխության ռիսկն է շուկայական գների, այդ թվում արտարժույթի փոխարժեքների և տոկոսադրույքների փոփոխության արդյունքում: Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել այս ռիսկին ենթարկվածության աստիճանն ընդունելի սահմաններում՝ միաժամանակ ապահովելով ռիսկի դիմաց եկամտաբերության օպտիմալացումը:

15 Ֆինանսական ռիսկերի կառավարում (շարունակություն)

(դ) Արժութային ռիսկ. արժութային ռիսկը սահմանվում է որպես ֆինանսական գործիքի արժեքի տատանման ռիսկ՝ արտարժութային փոխարժեքների փոփոխությունների արդյունքում: Հիմնադրամի գործունեությունը ծավալվում է հիմնականում Հայաստանում և, որպես այդպիսին, Հիմնադրամի գործառնությունների զգալի մասը տեղի է ունենում տեղական արժույթով՝ ՀՀ դրամով:

Հիմնադրամի ֆինանսական վիճակը և դրամական հոսքերը ենթակա են արտարժույթի գործող փոխարժեքի տատանումների ազդեցության ռիսկին:

Հիմնադրամի ենթարկվածությունը արտարժույթային ռիսկին առ 31 դեկտեմբերի 2019թ. ներկայացված է ստորև բերված աղյուսակում՝

	ՀՀ դրամ	ԱՄՆ դոլար	Ընդամենը
Ոչ ածանցյալ ֆինանսական ակտիվներ			
Կանխիկ միջոցներ և բանկային մնացորդներ	23,349	4,797	28,146
Բանկերում պահվող ժամկետային ավանդներ	-	653,763	653,763
Ընդամենը ոչ ածանցյալ ֆինանսական ակտիվներ	23,349	658,560	681,909
Ոչ ածանցյալ ֆինանսական պարտավորություններ			
Ապրանքների և ծառայությունների գծով վճարվելիք գումարներ	1,077	-	1,077
Այլ հաշվեգրված պարտավորություններ	2,200	-	2,200
Ընդամենը ոչ ածանցյալ ֆինանսական պարտավորություններ	3,277	-	3,277
Բաց դիրք	20,072	658,560	678,632

Հիմնադրամի ենթարկվածությունը արտարժույթային ռիսկին առ 31 դեկտեմբերի 2018թ. ներկայացված է ստորև բերված աղյուսակում՝

	ՀՀ դրամ	ԱՄՆ դոլար	Ընդամենը
Ոչ ածանցյալ ֆինանսական ակտիվներ			
Կանխիկ միջոցներ և բանկային մնացորդներ	2,987	-	2,987
Բանկերում պահվող ժամկետային ավանդներ	-	809,890	809,890
Ընդամենը ոչ ածանցյալ ֆինանսական ակտիվներ	2,987	809,890	812,877
Ոչ ածանցյալ ֆինանսական պարտավորություններ			
Ապրանքների և ծառայությունների գծով վճարվելիք գումարներ	232	-	232
Այլ հաշվեգրված պարտավորություններ	2,000	-	2,000
Ընդամենը ոչ ածանցյալ ֆինանսական պարտավորություններ	2,232	-	2,232
Բաց դիրք	755	809,890	810,645

Արտարժույթային ռիսկի զգայունություն: Ստորև բերված աղյուսակը ներկայացնում է Հիմնադրամի զգայունությունը ՀՀ դրամ/ ԱՄՆ դոլարի փոխարժեքի 10% աճի կամ նվազման հանդեպ: Տվյալ 10%-ն իրենից ներկայացնում է այն զգայունության տոկոսը, որն օգտագործվում է արտարժույթային ռիսկը հիմնական ղեկավար անձնակազմին ներկայացնելիս և իրենից ներկայացնում է արտարժույթի փոխարժեքի ողջամտորեն հնարավոր փոփոխությունն ըստ ղեկավարության գնահատականի: Զգայունության վերլուծությունը ներառում է միայն արտարժույթով գնանշված դրամային հոդվածները և ճշգրտում է դրանց փոխարկումը հաշվետու ժամանակաշրջանի վերջի դրությամբ՝ արտարժույթի փոխարժեքների 10% տարբերության տեսանկյունից: Ստորև նշված դրական թիվը ներկայացնում է շահույթի և վնասի կամ գուտ ակտիվների աճ ԱՄՆ դոլարի նկատմամբ ՀՀ դրամի 10% արժեզրկման դեպքում: ԱՄՆ դոլարի նկատմամբ ՀՀ դրամի 10% արժևորումը համապատասխան ազդեցություն կունենար շահույթի և վնասի կամ գուտ ակտիվների վրա, և մնացորդը կլիներ բացասական:

15 Ֆինանսական ռիսկերի կառավարում (շարունակություն)

	Առ 31 դեկտեմբերի 2019թ. Համապարփակ ֆին. արդյունք/ Զուտ ակտիվներ	Առ 31 դեկտեմբերի 2018թ. Համապարփակ ֆին. արդյունք / Զուտ ակտիվներ
ՀՀ դրամի 10% արժևորում ԱՄՆ դոլարի նկատմամբ (2018 թ՝ 10%)	(65,856)	(80,989)
ՀՀ դրամի 10% արժեզրկում ԱՄՆ դոլարի նկատմամբ (2018 թ՝ 10%)	65,856	80,989

Վերևում բերված աղյուսակում ներկայացված է առանցքային ենթադրության փոփոխության ազդեցությունը այլ ենթադրությունների անփոփոխ պայմանների դեպքում: Իրականում ենթադրությունների, ինչպես նաև այլ գործոնների միջև գոյություն ունի փոխադարձ կապ: Հարկ է նաև նշել, որ այս զգայունությունները ոչ գծային են, և ավելի մեծ կամ փոքր ազդեցությունները չպետք է միջարկվեն (ինտերպոլյացիա) կամ արտարկվեն (էքստրապոլյացիա) այս արդյունքներից:

(ե) Տոկոսադրույքի ռիսկ. Հիմնադրամը չի ենթարկվում տոկոսադրույքի ռիսկի, քանի որ բանկերում ունի միայն ֆիքսված տոկոսադրույքով ժամկետային ավանդներ: Ղեկավարությունը չի սահմանել տոկոսադրույքի ռիսկի կառավարման ձևակերպված քաղաքականություն, սակայն կառավարում է այս ռիսկը շուկայի տոկոսադրույքների և ֆինանսական հաստատությունների վարկանիշային գնահատումների կանոնավոր ստուգման միջոցով: Բանկում պահվող ժամկետային ավանդների տոկոսները ներկայացված են ծանոթագրություն 11-ում:

Ղեկավարությունը չի իրականացնում տոկոսադրույքի զգայնության պաշտոնական վերլուծություն, քանի որ Հիմնադրամը չի ունեցել լողացող տոկոսադրույքով ֆինանսական ակտիվներ կամ պարտավորություններ տարվա ընթացքում կամ հաշվետու ամսաթվի դրությամբ:

16 Ֆինանսական գործիքների իրական արժեքը

ՖՀՄՍ-ն սահմանում է իրական արժեքը որպես գին, որը կստացվեր ակտիվը վաճառելիս կամ կվճարվեր պարտավորությունը փոխանցելիս՝ չափման ամսաթվի դրությամբ շուկայի մասնակիցների միջև բնականոն գործարքի ընթացքում: Այստեղ ներկայացված գնահատումները կարող են բնութագրական չլինել Հիմնադրամի կողմից որոշակի գործիքի ամբողջական տնօրինումը շուկայում փոխարկման արդյունքում իրացնելիս Հիմնադրամի կողմից ստացվելիք գումարների առումով:

Այնուամենայնիվ, գնահատված իրական արժեքը որոշելու համար անհրաժեշտ է կիրառել դատողություն: Հայաստանի Հանրապետությունը շարունակում է կրել զարգացող շուկայի որոշ բնութագրեր և տնտեսական պայմանները շարունակում են սահմանափակել ֆինանսական շուկայում գործառնությունների ծավալները: Շուկայական գնանշումները կարող են արդիական չլինել կամ արտացոլել արտասովոր իրացման գործարքներ, հետևաբար՝ չներկայացնել ֆինանսական գործիքների իրական արժեքները: Ղեկավարությունը օգտագործել է շուկայում առկա ողջ հասանելի տեղեկատվությունը՝ ֆինանսական ակտիվների իրական արժեքները գնահատելու համար:

Իրական արժեքի և հաշվեկշռային արժեքի համեմատություն: Հաշվի առնելով մի շարք ֆինանսական ակտիվների և պարտավորությունների կարճաժամկետ բնույթը, ղեկավարությունը կարծում է, որ դրանց հաշվեկշռային արժեքները մոտ են իրենց իրական արժեքին:

17 Կապիտալի կառավարում

Հաշվի առնելով Հիմնադրամի գործառնությունների բնույթը, Հիմնադրամը չունի ձևակերպված կապիտալի կառավարման քաղաքականություն: Հիմնադրամի նկատմամբ կիրառելի չեն կապիտալի կառավարման արտաքին պահանջներ:

Հիմնադրամի կողմից կրթական, սոցիալական և մշակութային ծրագրերի ֆինանսավորումը մեծապես պայմանավորված է տվյալ տարում նվիրատվություններից ստացված եկամտից: Ղեկավարության կարծիքով, Հիմնադրամը մինչ այսօր հնարավորություն է ունեցել համալրել բավարար միջոցներ և չի ակնկալում այդ նվիրատվությունների էական նվազում կամ կրճատում տեսանելի ապագայում:

18 Պայմանական պարտավորություններ

Իրավական գործընթացներ: Հիմնադրամը չի ունեցել այնպիսի իրավական խնդիրներ, որոնք կարող են զգալի ազդեցություն ունենալ Հիմնադրամի ֆինանսական վիճակի վրա:

Պատական վարույթներ: Հիմնադրամը առ 31 դեկտեմբերի 2019թ. ներգրավված չի եղել նշանակալի դատական վարույթներում (առ 31 դեկտեմբերի 2018թ. ևս ներգրավված չի եղել որևէ դատական վարույթում): Ֆինանսական հաշվետվություններում այդ գծով պահուստ չի ստեղծվել:

Հարկեր: Հայաստանի Հանրապետության առևտրային համակարգը կարգավորող օրենսդրությունը, ներառյալ հարկային օրենսդրությունը, կարող է ունենալ մեկից ավելի մեկնաբանություններ: Ավելին, վտանգ կա, որ հարկային մարմինները կամայական դատողություններ կարող են կիրառել ձեռնարկատիրական գործունեության վերաբերյալ: Եթե Հիմնադրամի գործունեության վերաբերյալ ղեկավարության որոշակի որոշումներ հարկային մարմինների կողմից վիճարկվեն, Հիմնադրամը կարող է ենթարկվել հավելյալ հարկերի, տույժերի և տուկոսների: Սովորաբար հարկային ստուգումը վերաբերում է առդիտի տարվան նախորդող երեք օրացուցային տարիներին: Հարկային օրենսդրության խախտման դեպքում հարկային մարմիններն իրավասու չեն սահմանել հարկերի գծով լրացուցիչ պարտավորություններ, տույժեր կամ տուգանքներ, եթե խախտման ամսաթվից անցել է երեք տարի:

Գործառնական միջավայրը: Զարգացող երկրների ֆինանսական շուկաները, ինչպիսին է Հայաստանի Հանրապետությունը, ավելի շատ են ենթարկվում զանազան ռիսկերի, քան ավելի զարգացած երկրների շուկաները, ներառյալ տնտեսական, քաղաքական և սոցիալական և իրավական և օրենսդրական ռիսկերը: ՀՀ-ում ձեռնարկությունների գործունեությունը կանոնակարգող օրենսդրական, արժույթային, հարկային, կանոնակարգային դաշտը շարունակաբար զարգացման ընթացքում են և ենթակա են տարաբնույթ մեկնաբանությունների և հաճախակի փոփոխությունների, ինչը ի թիվս այլ իրավական և հարկաբյուջետային խոչընդոտների, մեծացնում է ՀՀ-ում գործող կազմակերպությունների առջև կանգնած ռիսկավորությունները: Երկրի ապագա տնտեսական զարգացման հիմնական ուղղության վրա իրավական, կանոնակարգման և քաղաքական զարգացման հետ միասին զգալի ազդում են կառավարության կողմից ընդունված հարկաբյուջետային և դրամավարկային քաղաքականությունները: Այնուամենայնիվ, քանի որ նման անորոշությունների հիմքում ընկած են բազմաթիվ փոփոխական պայմաններ և ենթադրություններ, ղեկավարությունը հնարավորություն չունի արժանահավատ գնահատական տալ, թե նման հանգամանքները ինչ ազդեցություն կունենան Հիմնադրամի ակտիվների և պարտավորությունների հաշվեկշռային արժեքների վրա: Հիմնադրամի ֆինանսական հաշվետվությունները չեն ներառում հնարավոր ճշգրտումների ազդեցությունը, որոնք կարող էին անհրաժեշտ համարվել, եթե վերը նշված գործոնների ազդեցությունը Հայաստանի Հանրապետության վրա դառնար դիտարկելի և արժանահավատորեն չափելի:

Պայմանագրային պարտավորություններ: Հիմնադրամը պարտավորվել է կառուցել երեք կենտրոն, երկուսը՝ Երևանում, մեկը՝ Էջմիածնում: Հիմնադրամի այս ներդրումային ծրագրերի իրականացման պարտավորությունը համապատասխան պետական մարմինների կողմից վերանայվել է շահույթ չհետապնդող գործունեության և արտոնությունների շնորհման նպատակով: Հանձնառված ծրագրերը և դրանց համապատասխան ժամկետները ներկայացվում են ստորև՝

18 Պայմանական պարտավորություններ (շարունակություն)

	Վայրը	Ծրագրերի ընդհանուր չափը	Ծրագրի կարգավիճակը	Կենտրոնի կառուցման տարիները
Մանկական կենտրոն Սբ. Սարգիս եկեղեցու տարածքում	քաղաք Երևան	1,818,000	Գրանցման փուլ	2013 - 2018
Հանրային կենտրոն Սբ. Հովհաննես եկեղեցու տարածքում	քաղաք Երևան		Հետաձգված	2020 - 2021
Կենտրոն Սբ. Էջմիածին մայր տաճարի տարածքում	քաղաք Էջմիածին		Չսկսված	2020 - 2021

Առ 31 դեկտեմբերի 2019թ. իրականացված կապիտալ ծրագրերի գումարը կազմել է 822,259 հազար դրամ (2018թ.՝ 821,842 հազար): Առ 31 դեկտեմբերի 2019թ. Հիմնադրամի մնացած պարտավորությունները կազմել են 995,741 հազար դրամ (2018թ.՝ 996,158 հազար):

Ղեկավարությունն ունի հասանելի միջոցներ ավանդի տեսքով իր պայմանական պարտավորությունների կատարման համար: Ղեկավարությունը նաև պլանավորում է ներգրավել նոր ֆինանսական միջոցներ իր հիմնադիրներից և նվիրատուներից:

Գործառնական ռիսկ: գործառնական ռիսկն այն հնարավոր կորուստների ռիսկն է, որը կառաջանա համակարգերի թերություններից, մարդկային սխալից, կեղծիքից կամ արտաքին միջավայրի իրադարձություններից: Երբ վերահսկողությանը չի հաջողվում կատարել իր գործառնականությունները, գործառնական ռիսկերը կարող են վնասել Հիմնադրամի հեղինակությանը, ունենալ իրավական կամ կանոնակարգիչ հետևանքներ, կամ հանգեցնել ֆինանսական կորուստների: Հիմնադրամը չի կարող ակնկալել, որ կբացառի բոլոր գործառնական ռիսկերը, սակայն ջանքեր է ձեռնարկում կառավարելու դրանք, ինչպես վերահսկողական հայեցակարգի, այնպես էլ հնարավոր ռիսկերի մոնիտորինգի և դրանց հակազդման միջոցով: Վերահսկողությունը ներառում է պարտականությունների արդյունավետ տարանջատում, մուտքի հասանելիության, լիազորման և համադրման ընթացակարգեր, աշխատակազմի կրթության և գնահատման գործընթացներ:

19 Գործարքներ կապակցված կողմերի հետ

(ա) Հոգաբարձուների խորհուրդը

Հիմնադրամի կառավարումը վերահսկվում է 14 հոգաբարձուների կողմից՝ Հիմնադրամի հիմնադիր Սրմեն Սարգսյանի նախագահությամբ (2018թ.՝ 14 հոգաբարձուներ): Հոգաբարձուները հանդիպում են տարեկան չորս անգամ: Հոգաբարձուների նախագահը կամ հոգաբարձուները Հիմնադրամից վարձատրություն չեն ստանում և փոխհատուցվում են Հիմնադրամի նպատակներով ռազմավարությունների համար: Կա մեկ միջազգային խորհրդատվական խորհուրդ՝ կազմված 9 անդամներից: Միջազգային խորհրդատվական խորհրդի անդամները նույնպես չեն վարձատրվում Հիմնադրամի կողմից:

(բ) Ղեկավար անձնակազմի վարձատրությունը

Տարվա ընթացում ղեկավարության ստացած վարձատրությունը կազմել է 16,904 հազար դրամ (2018թ.՝ 19,919 հազար դրամ):

20 Իրադարձություններ հաշվետու ժամանակաշրջանից հետո

COVID-19: 2019 թվականի վերջից Չինաստանից սկսեցին տեղեկություններ ստացվել COVID-19-ի (կորոնավիրուս) մասին: Առ 31 դեկտեմբերի 2019թ. Առողջապահության Համաշխարհային Կազմակերպությունը տեղեկացրեց, որ անհայտ վիրուսով վարակվելու սահմանափակ դեպքերի մասին: 2020 թվականի առաջին ամիսների ընթացքում վիրուսը տարածվեց ամբողջ աշխարհով և նրա բացասական ազդեցությունը ուժեղացավ:

2020թ. մարտի 11-ին Առողջապահության համաշխարհային կազմակերպությունը հայտարարեց կորոնավիրուսի (COVID-19) նոր տեսակի գլոբալ համաճարակ և առաջարկեց դրա հետևանքների զսպման և մեղմացման միջոցներ ամբողջ աշխարհում:

Հիմնադրամի ղեկավարությունը վարակի բռնկումը համարում է հաշվետու ամսաթվից հետո տեղի ունեցած չճշգրտվող իրադարձություն: Այն ձեռնարկել է համապատասխան միջոցներ՝ իր անձնակազմի անվտանգության և պաշտպանության ապահովման համար: Չնայած սույն ֆինանսական հաշվետվությունների հրապարակման ամսաթվի դրությամբ իրավիճակը դեռևս գտնվում է զարգացման փուլում, ղեկավարությունը չի հայտնաբերել դիտարկելի ազդեցություն ֆինանսական վիճակի և արդյունքների վրա: Հիմնադրամի իրացվելիությունը բավարար է առնվազն 12 ամսվա ընթացքում գործառնությունները ֆինանսավորելու համար:

Ղեկավարությունը շարունակում է հետևել իրավիճակի զարգացմանը և ձեռնարկել բոլոր անհրաժեշտ քայլերը հնարավոր հետևանքները մեղմելու համար:

Մանկական կենտրոն Սբ Սարգիս եկեղեցու տարածքում – պետական գրանցման գործընթաց: 2020թ. հունիսին Հիմնադրամը երկարացրել է իր պայմանագիրը Սբ. Էջմիածնի մայր տաճարի հետ և կառուցապատման իրավունքը 10 տարով: Ներկայումս Հիմնադրամը ներկայացրել է Սբ. Սարգիս եկեղեցու տարածքում գտնվող մանկական կենտրոնի հետ կապված փաստաթղթերը և ակնկալում է ավարտել պետական գրանցման գործընթացը մինչ 2020թ. ավարտը: